

حُزِينٌ وَمُصْطَفَى

خُرَجْتُ مِنْ تَحْتِ الدُّشِّ، أُلْفُ نَفْسِي بِبِشْكَيرِ كَبِيرٍ، أَحَاوِلُ أَنْ
أَقْلِدَ الْأَسْتَاذَ أَحْمَدَ عَزَّ فِي فِيلْمٍ مَسْجُونِ تِرَانزِيْتِ، بَعْدَمَا ارْتَكَبَ
جَرِيْمَتَهُ الْبِشْعَةَ فِي فِيلَا الْأَسْتَاذِ مُحَمَّدِ أَبُو دَاوُودَ، وَذَهَبْتُ لِارْتِدَاءِ
مَلَابِسِي، اسْتَعْدَاداً لِلذَّهَابِ لِمَقَابَلَةِ ابْنِ عَمَّتِي (مُصْطَفَى)، حَيْثُ
أَنَّهُ هَاتَفَنِي وَطَلَبَ مِنِّي الْحُضُورَ عِنْدَهُ فِي الشُّقَّةِ الَّتِي يَسْتَأْجِرُهَا
مَعَ زَمَلَانِهِ فِي الْعَمَلِ؛ لِأَنَّهُ كَمَا أَخْبَرَنِي سَيَدُّنِّي عَلَى أَشْيَاءٍ إِنْ
فَعَلْتَهَا؛ سَأَنْجَحُ بَعْدَ غَدٍ فِي مَقَابَلَةِ الْعَمَلِ الَّتِي كُنْتُ قَدْ سَافَرْتُ
الْقَاهِرَةَ مِنْ أَجْلِهَا. بِالتَّأَكِيدِ وَافَقْتُ عَلَى الْفُورِ (أَنَا بَتَشُّاً عَلَى
نَصِ فِرْصَةِ لِلشُّغْلِ أَصْلاً) وَمُصْطَفَى اللَّهُ يَبَارِكُ لَهُ، دَائِمَ الْوُقُوفِ
بِجَوَارِي وَدَائِمًا يَنْصَحُنِي وَيَدُلُّنِي عَلَى الطَّرِيقِ الصَّحِّحِ... أَتَذْكَرُ يَوْمًا
مَا سَمَعَنِي أُسَبُّ شَخْصًا بِأَهْلِهِ نَصَحُنِي: «بِالْأَبِ الشَّتِيمَةِ بِالْأَبِ
وَالْأَهْلِ دِهْ كَلَامِ مَلْهُوشِ لَازِمَةٌ... الشَّتِيمَةُ بِالْأُمِّ بِتَوَجُّعٍ أَكْثَرَ» .

أَكْمَلْتُ ارْتِدَاءَ قَمِيصِي الْأَزْرَقِ، وَبِنِطَالِي الْجِينَزِ الْأَسْوَدِ،
وَحِذَائِي الْجِلْدِ اللَّامِعِ وَرَكِبْتُ مِيكْرُوبِاصَ، قَبْلَ الثَّامِنَةِ، أَيَّ قَبْلِ
الْمَوْعِدِ الْمَحْدَدِ بِرَبْعِ سَاعَةٍ كُنْتُ أَمَامَ الْعِمَارَةِ الَّتِي بِهَا شُقَّةُ مُصْطَفَى
... صَعَدْتُ إِلَى الشُّقَّةِ وَطَرَقْتُ عَلَى الْبَابِ حَيْثُ أَنْ الْجَرَسُ لَا يَعْمَلُ
... وَانْتَضَرْتُ... وَلَكِنْ لَا أَحَدٌ يَسْتَجِيبُ... طَرَقْتُ مَرَّةً أُخْرَى بِقُوَّةٍ

كان هذا صوت عزت الذي نطق جملته بثقة دفعني للرد عليه:

- يا عني الـ ... أعوذ بالله من الشيطان الرجيم، ده هيخلي اللجنة تقتنع بيا إزاي؟ بِيَلْبِسْتَهُمْ مثلاً، ويخليهم يشوفوني شاب كيوت ملوش مثيل؟؟؟؟؟

رد مصطفى بجدية:

- لا هِيَلْبِسْكَ إنت.

- نعممم!

استكمل مصطفى وكأنه لم يسمعني :

- بِيَجِي وَيَلْبِسْكَ، وَيَخْلِيكَ تجاوب إجابات نموذجية على أسئلتهم، وبعد ما بتتجح بيمشي.

- لا والله! .. طيب افرض كَسَلْ يمشي أو جَالَهُ شلل وهو جوايا ... أعمل إيه أنا بقي؟؟؟؟؟؟

رد مصطفى بجدية شديدة لم أعتد عليها منه من قبل:

- انت هتهزر ... الحاجات ديه ما فيهاش هزار ... لازم تحترمه عشان يحترمك ... فاهم؟

بص يا حُزِين هي مش حاجات لو عملتها هتتجح، هي إنتا هتجبلك حد يساعدك عشان تتجح في المقابلة بتاعة الشغل.

باندعاش حقيقي:

- مش فاهم؟

رد مصطفى وكأنه يفتاظ مني:

سبيني أكمل ومتقاطعيش عشان تفهم .

هزرت رأسي موافقةً، فأكمل مصطفى:

- عزت قِدِرْ يعرف طريقة تخليك تتجح في أي إنتر فيو تروحه من غير ما تذاكر حرف واحد، وهي ببساطة من غير شرح كثير مش هتفهمه ... تعويذة بتتقري، وبتخلي فرد من قبائل الجن المثقفة يحضر ويجاوب على لسانك، ف لجنة الإنترنتو تقتنع بيك إنت ...

انفتح فمي لا إرادياً حتى أصبَحَ فَكِّي يقترب من ملامسة الأرض وصرخت:

- أعوذ بالله من الشيطان الرجيم!!

(ما تخافش دي طريقة مَنَجْرِيَّة، ناس كثير عملتها، وإِتَعَيَّنِت في مناصب دلوقتي).

نطق مصطفى كلمة فاهم بمنتهى الحزم، فأكد لي أنهما لا
يمزحان معي، تدخل عزت في الحوار مرة أخرى:

- ما تخافش دي طريقة منجارية.

- لا يا جماعة بلاش... قلة الشغل مش هتموتيني، بس

المفريت ممكن يموتيني ...

قطع عزت كلامي:

- اسمه جن ما تقولش عفريت عشان بيتقمص... وممكن

يؤذينا.

- وكمان هتجبولي واحد من اللي هما أعوذ بالله الشيطان

الرجيم قماصاً!

استطرد عزت كلامه:

-إحنا دلوقتي هنجرب إنه يجي لمدة خمس دقائق يلبسك

فيهم، عشان نطمين وبعد الخمس دقائق هو هينصرف لوحده،

ينحضره تاني بعد بكرة عشان المقابلة لمدة خمس ساعات.

- هو أعوذ بالله بيتفائل برقم خمسة ولا إيه؟

- لأ... بس مكتوب عندي إنه بيحضر خمس دقائق، أو

ساعات، أو شهور أو سنين، وبعدين ما تخافش إحنا هنعمل مقابلة
بسيطة بينكم؛ عشان تتعرفوا على بعض دلوقتي مش أكثر.

وكانه يعزمني على جلسة زواج!

-! لا ده حبيبي وده فوق فوق راسي من غير ما

يجي ولا يتعب نفسه.

وجه مصطفى كلامه لي:

- ما تخافش إحنا بس هنطمين إن كل حاجة صح.

ياعني انتو تطمئنا وأنا أموت!

وكانني لم أقل شيئاً، قام مصطفى ووضع مخدة خلف ظهري،

فيما مسك عزت كتاب كان لون غلافه أخضر فاتح، ونظر في

عيني وقال لي:

-استرخي وافرد جسمك وما تفكرش في أي حاجة دي شكة

ديوس!

الطلب المناسب في الوقت المناسب ... إذا خرجت من هذه

الغرفة سالمًا سأقطع علاقتي بمصطفى .

لمحت مقص سافط أقصى الغرفة فجريت عليه وحملته وذهبت
إلى عزت.

قصصت التيشيرت من الخلف وشدته، فانفك من عليه.

- البلكونة.

كانت هذه كلمة مصطفى في إشارة منه للهروب من البلكونة،
لكنها أُغْلِقَتْ بسرعة أسرع من سرعة حركتنا، حاولنا فتحها ولكنها
كانت مغلقة بشدة مثل الباب تماماً، وفي فزع أشار مصطفى إلى
شاشة اللاب توب وقد كُتِبَتْ عليه جملة:

(عاملي بطل بتقذه، طيب أنا هجيلك إنت).

إنت؟ يقصد من بإنت ؟؟؟؟؟ غالباً يقصد الكائن قليل الحظ
في الدنيا، المأسوف على شبابه الذي جاء برجليه للجحيم (أنا)!

بدانا نصرخ على صوت واحد:

-إنقذوووووونا... إلحقوووووونا

واللاب توب هو أيضاً يصرخ:

(هتموت.. هتموت.. هتموت.. هتموت)

لكن فجأة أنارت الغرفة وأسودت شاشة اللاب توب، وسكن
تماماً، ودارت المروحة العمود، واستجاب الباب للفتح، فخرجنا من
الغرفة نهرول، فوجدنا شاب يشرب الشاي، والذي عرّفنا أنه
سعد فَبَادَرْنَا هو بالسؤال:

-انتو كنتوا بتعملوا إيه جوه ... خبطت عليكم كثير ... ما

كنش طالع ليكم صوت!

-.....

لم يكن هناك وقت للرد عليه؛ فقط تسابقنا نحن الثلاثة
لدخول الحمام بالنسبة ليّ كان دخول الحمام كأول شخص، أمر
لا مفر منه حتى لا يتحملون عناء تنظيف الأرضية .

حكينا له ما حدث، وفي النهاية اقتنعنا أن من حَضَرَ كان شراً
جاء بالخطأ، كما لاحظنا أنه أتى بالتعويذة، التي اشترطت عليه
خمس دقائق فقط وبعد الخمس دقائق اختفى، ولولا ذلك لكان
قتل أحداً منا على الأقل ... ساد صمت بيننا .

(بوووووم، بووووووم، بووووووم)

فزعنا نحن الأربعة بشكل مبالغ فيه قبل أن يهتف سمير

فيينا:

أمان يا رجالة أنا مش مطلع ظابط، أنا مطلع عبده
القماش!!

اقترح علي مصطفى أن أبات معهم هذه الليلة، طلبت منه أن
يتركني أرحل؛ لأنني لن أستطيع النوم في هذه الشقة أبداً، تتم
عزت:

- مش عارف إيه اللي حصل مع إن دي طريقة متجربة!
رد عليه مصطفى:

- لو نطقت كلمة فيها حرف الجيم، أو الميم، أو الية لمدة
أسبوع أنا اللي هرميك من البلكونة يا ابن الكلب.

- لا يا مصطفى مش كدة؛ انت اللي علمتني إن الشتيمة
بالأم بتوجع أكثر... هو إنت يا عزت جريتها قبل كدة؟

- لا... بس اللي قالي عليها حلفي إنها متجربة!

نظرنا له جميعاً باشمئزاز يتفوق على نظرة كلب لؤلؤ ابن
ناس لكلب بلدي أثناء هرشه برجله الخلفية للتخلص من القمل.
في طريقي خرجت إلى الشارع الرئيسي لاستقل ميكروباص،

كانت الأحداث تدور في ذهني مجتمعه، اتصل بي مصطفى وجئت
له، قابلته هو وصديقه عزت، عرفوني أن فكرتهم تتلخص في
إحضار جن من قبائل المنقفين؛ سيلاسنني ويجعلني أنجح في
مقابلة العمل، قرأ عزت تعويذة سحرية للتأكد من فاعليتها، لكنها
كانت مشروطة بأن يحضر الخادم خمس دقائق فقط، ولكن ما
حضر كان جني مؤذي من قبائل «ذا فويس» على ما يبدو، أراد أن
يقتل عزت وبعدهما أنقذته، فكر في قتلي ولولا إن وقته انتهى كان
قتلني بالفعل فحمدت الله إني خرجت من الشقة سالماً وبكامل
أعضائي... لم أفق من أفكاري إلا وأنا داخل ميكروباص كان
يشغل مهرجان شعبي.

حاولت التراقص معه ونسيان ما حدث معي في هذه الليلة
العصيبة:

((هو انت فيك إيه إيه مضبوط...))

لا رفر ف نافع ولا كبوت حتى البيضة مافيهاش كتكوت

يعنى نعيش بقى ولا نموت

الوسادة الخالية تعبت مني ياغالية

- جاءت القطة ووقفت عند الباب بيني وبينه وبغضب
صرخت.

- ناووووو.

وكانها تقول له (مش هتدخل).

- طيب إيه رأيك هيدخل ، ده بيتي مش بيتك فاهمة ولا لا ؟

نطقت هذه الجملة منفعلاً ؛لردع هذه القطة حتى لا تشعر
أنها صاحبة البيت وأكملت له:

- ادخل وما تعملش مشاكل معاها فاهم ولا لا ؟

- هووو ... هووو.

- مافيش فايده... موعود أنا بمقابلة الأغيبا ... صبرني
يارب.

عندما نمت رأيت في حلمي مجموعة الرجال الخمسة ذوي
البشرة الصفراء والشعر الأزرق - رجال أصحاب حلم الأمس -
يجلسون على المقاعد، ويرمقون بفضب أربعة رجال لهم بشرة
خضراء، وشعر أصفر يجلسون على مقاعد في الجهة المقابلة لا
أعرف من أين أتوا بها هي الأخرى، ووضعوها في شقتي ! قبل أن
يقوم واحد من أصحاب حلم الأمس ويصيح:

- مافيش فايده!

تركها وذهبت لممارسة طقوسي في أحد أيام أجازة نهاية
العام الدراسي المباركة، والتي تتلخص في طقس واحد هو لعب
الـ (PES) ١٢ ساعة يومياً عند أحمد هندي ،حيث تجتمع شلتنا
للكوثة من أربعة أشخاص (أنا وأحمد وهيثم وإبراهيم) يتخلل هذا
الطقس العظيم الكثير من المأكولات ، والمشروبات التي تساعدنا
على التركيز والوصول إلى أفضل النتائج والمهارات الممكنة والغير
ممكنا!

... بعد يوم حافل من اللعب ببرشلونة واكتساح جميع الفرق،
رَجَعْتُ إلى شقتنا مُتَعَبٌ أصابع اليدين ... ودخلت لأنام ... لكن
فجأة سمعت صوت على الباب يشبه الصوت الذي سمعته أمس،
التفت إلى الكبة فوجدت القطة مسترخية في مكانها ... اندهشت
وفتحت الباب فوجدت كلب أسود صغير ينظر لي (هوووو...
هوووو... هوووو).

- نعم إنت كمان عايز إيه ؟

- نظر إلي نظرة ذات مغزى تشبه نظرة القطة بالأمس،
ونبح.

- هووووو... هووووو.

- اصل بكلمة ما بيردش!

- واخذ حقنة مسكن قوية.

- هو أنا عندي إيه يادكتور؟

- صدمة عصبية ... ما تقعدش لوحدك تاني، وركز وسيبك
من الكلاب والكلام الفاضي ده ... عشان اكتبك على
خروج بكرا، وإلا هحولك قسم أمراض نفسية.

فكرت أن أدافع عن نفسي وأن أخبره أنني لست مجنون، لكنني
تذكرت أن لا أحد عاقل سيصدق ما حدث، فهزرت رأسي وكأني
أتفهم كلامه وسألته:

- هو أنا بقالي قد إيه هنا؟

- خمس أيام .

خرج هو، فيما سرحت بخيالي في خمسة أيام قضيتهم نائم،
وهل ما حدث لي هذا حقيقي أم أوهام كما يقول الدكتور، وإذا لم
يكن حقيقي؛ كيف أتيت إلى هذه المستشفى؟ ومن الذي أوصلني
إلى هنا، وما الذي حدث لأحمد صديقي، وجدنتي أغمض عيناي
وأذهب في النوم وأنا أرى أنني عدت إلى الشقة، وجدت المعركة
الكبيرة مازالت مشتعلة بين الرجال أصحاب الحلم الأول والرجال
أصحاب الحلم الثاني.

- إنت اللي نأيتي ... يا مهبوش هههههههه.

كان هذا الحوار بين المريضة والشخص الذي يتمدد بجانيبي
وأنا لا أعرف هل هي تتحدث مع أحمد هندي، أم مع الكلب أم
مع شخص آخر بسبب الظلام فتأديت عليه سائلاً:

- هو إنت أحمد هندي صاحبي ولا إنت كلب؟!

لم يرد علي!

دخل شاب يرتدي بالطو أبيض يبدو من هيئته أنه طبيب
وجه كلامه إلي:

- حمد لله على سلامتكم، إيه اللي حصلك؟

أجبت بصوت من استيقظ للتو من النوم:

- الباب خبط روحت افتح لقيت كلب بيكلمني ... هو اللي
نأيم جنبه ده كلب أسود ولا بني آدم اسمه أحمد؟!

بنبرة تدل على شكه في قواي العقلية:

- بني آدم طبعاً، واسمه أحمد.

- كلمك! ... آه يا بطني!!

دخلت الممرضة القصيرة وفي يدها نفس الحقنة وأعطتها لأحمد، الذي تألم من يدها مثل المرة الأولى، بعدها خرجت. عاد الحاج رحيم ومعه رجل ستيني قصير يرتدي سروالاً وقميصاً غير مكويين، وفي وجهه شارب أبيض كث، رغم ملامحه الطيبة، لكن على وجهه الوجوم ونظراته بها حدة، وجانب عينه اليسرى به زُرقة بشكل غريب، عرفت من الحاج رحيم أن هذا الرجل هو عم صبحي، الساكن الجديد في البيت الكبير الذي يقع على ناصية الشارع، وقال الحاج رحيم لي أنه الوحيد الذي يفهم موضوع هذا الكلب الأسود الذي أثار الذعر والرعب في الشارع، شرحت له ما حدث وما أتذكره في هذه الليلة، وأيضاً حكيت كل شيء حدث منذ سفر أبي وأمي، القطة التي وجدتها عند حائط بيته، وحاولت مساعدتها بعلبة تونة ولكنها لم تأكل وجاءت الشقة إليّ وبانت، وثاني يوم جاءني كلب صغير وبات ليلته عندي، وثالث يوم جاءني هذا الكلب الأسود الكبير المتكلم، وحكيت له عن الأحلام الغريبة التي رأيتها ... صمت صبحي فترة ثم اقترب من عيني وكأنه ينفخ فيها!

-إنت بتعمل إيه؟! سألته بهلع.

أشار لي أن اصمت حتى يتأكد من شيء ثم تكلم:

-بص يا حُزين الحكاية وما فيها إن البيت ده كان ساكنه راجل ومراته أغنياً جداً، وكانوا عايشين مع بعض في سعادة لحد ما خلفوا طفل جميل، وهنا ظهرت المشكلة الطفل ده كان بيُصرخ طول اليوم بشكل غريب! بعد كدة لاحظوا إن الطفل ده لما بيطلع بره البيت بيبقى هادي وطبيعي فقررروا إنهم يعزلوا من البيت ده، وإنت يمكن تعرفهم أو شوفتهم قبل كدة ...

- أيوه أعرفهم، بس ما حدش كان فاهم هما مشيو ليه؟
أجاب عم صبحي وأكمل حديثه لي:

-هما مشيو بسبب أن البيت ده ثقيل، والأطفال بس اللي بتحس بالتقل ده، وما بتقدرش تعيش طبيعية جواه ...
اعترضت ساخراً .

-يعني معقول البيت ده هيكون أثقل من العمارة بتاعتنا الأربع أدوار، والأطفال فيها عايشين عادي ههههههههه.

-ثقل يا عني مسكون بالجن يا حُزين .

كانت هذه من الحاج رحيم، انفتحت عيناى على آخرهما!

-..... جن ؟؟؟؟؟؟؟

أكمل عم صبحي كلامه:

- الراجل ومراته جابوا رقمي من خلال وسيط واتصلوا بيا
بعشان أساعدهم، ومن قبل ما ادخل البيت عرفت اللي فيه،
وقعدت شهر أحاول أطرد السكان النُقَال دول من البيت، بسايسهم
عشان يطلعوا من غير ما يضرُوا حد، أو يعملوا حاجة في البيت
لحد ما خرجوا، وكنت فآكر إنني لما أطردهم بره البيت يبقى
كدة احنا التصرنا، بس العفاريت دول إنشكروا في صورة حيوانات
وقعدوا في الشارع ولما جولك كانوا طالبين سكن بدل اللي طلَعوا
منه.

- شعرت بيرودة في أطرا في رغم أننا في أغسطس،
إذًا من أدخلتهم بيتي وكنت أنام بجوارهم وأحدثهم كانوا عفاريت !
تكم الحاج رحيم:

- أنت لما دخلت القطعة طعموا في الشقة وجه بعدها الكلب،
وبعدنا الكلب المتوحش اللي عض ثلاثة لحد دلوقتي، وواقف عند
عمارتك مستتيك .

قفز قلبي من ضلوعي.

- مستتي يُعضني ١٩

أجاب عم صبحي:

- لا ما شاء الله جن مؤدب.

- عشان هما عندهم أصول وأعراف أحسن مننا كمان أنا
عارفهم كويس.

-

- من الآخر الجن اللي في صورة كلب بلدي كبير ده كان
عايز يلاقي مكان، ولما دخلت صِحَابُه عندك في الشقة
اتشجع وحاول يستأذن، وبعد كدة إنت دخلت المستشفى
وهو قاعد في الشارع، ولو حد قرب منه بيعضه، لحد
دلوقتي عض ثلاثة من بطنهم، ولو شاف زحمة أو ناس
كثير بيختفي، ولو إنت رجعت هيرجع وهيحاول يدخل
الشقة معاك، ولو رفضت ممكن يُضرك ... أو ما يعملكش
حاجة ويعضك في بطنك بس.

- ودي بسيطة يعني ١٩

- آه آه يابطني.

- كان هذا صديقي أحمد هندي.

- قَمَدَكَ إِنَّتْ يَا حَاجَ رَحِيمِ اللّٰهِ هَتَّهْدِيَه صَح ٩

- عَلَى عَيْنِي يَا حُزَيْنَ يَا ابْنِي بَسَ أَنَا بِخَافٍ مِنَ الْجَمَاعَةِ
الْبُعْدَا دَوْلِ أُوِي، وَكَمَا مَشَّ ضَامِنَ رَدِ فَعَلِ الْجِنِّ الشَّرْسِ
دَه لَمَّا نَضَحَكَ عَلَيْهِ، إِنَّتْ لَسَه شَبَابٍ وَمَمَكْن تَسْتَحْمَلِ أَيِ
حَاجَةٍ.

-
- آه آه يَا بَطْنِي.

هَذَا كَانَ أَحْمَدُ هِنْدِي يُبَشِّرُنِي!!

خَرَجْتُ مِنَ الْمَسْتَشْفَى أَتَمَّتْ بِكُلِّ آيَاتِ الْقُرْآنِ الَّتِي أَحْفَظُهَا.
جَلَسْتُ أَنَا وَالْحَاجُ رُحِيمٌ عَلَى مَقْهَى فِي أَوَّلِ الشَّارِعِ، فِيمَا أَخَذَ عَمَّ
صَبْحِي مَفَاتِيحَ الشُّقَّةِ وَصَعِدَ وَمَعَهُ مَبْخَرَةٌ...

وَكُنَّا قَدْ اتَّفَقْنَا إِنَّهُ عِنْدَمَا يَسْتَطِيعُ التَّخْلُصَ مِنَ الْقِطْعَةِ وَالْكَلبِ
- اللَّيِّ مَشَّ قِطْعَةً وَكَلْبًا. سَيُكَلِّمُنِي عَلَى التَّلْيِيفُونَ لِأَصْعَدَ لَهُ، وَإِذَا
حَدَّثَ شَيْءً سَأَتَّصِلُ بِالْحَاجِ رَحِيمٍ لِيَصْعِدَ لَنَا.

بَعْدَ ثَلَاثِ سَاعَاتٍ مِنَ الْإِنْتِظَارِ رَنَّ عَمَّ صَبْحِي عَلَيَّ، وَكَانَتْ
هَذِهِ هِيَ الْإِشَارَةُ، تَحَرَّكَتْ، وَلِأَنَّ الْإِنْسَانَ فِي هَذِهِ الْحَيَاةِ لَا يَمْلِكُ
غَيْرَ بَطْنٍ وَاحِدَةٍ؛ وَضَعْتُ قِطْعَتِمْ وَرَقَ مِنَ الْكَرْتُونِ الْمُقَوَّى مَا بَيْنَ

بَطْنِي وَهَمِيصِي، دَخَلْتُ الْعِمَارَةَ عَلَى مَهْلٍ، وَفَجَاةً ظَهَرَ مِنَ الْعَدَمِ
الْكَلْبُ الْأَسْوَدُ كَانَ يَنْظُرُ إِلَيَّ بِتَوَدُّدٍ فَبَادَرْتَهُ قَائِلًا:

- إزِيكَ ... دَنَا بِحَبِكَ جَدًّا ... يَلَّا نَطْلَعُ الشُّقَّة!

صَعَدْتُ، وَالْكَلْبُ - اللَّيِّ مَشَّ كَلْبًا - خَلْفِي دَخَلْتُ وَفَتَحْتُ الْبَابَ.

- اتَّفَضَلْ حَضْرَتِكَ ... وَعَلَى فِكْرَةٍ فِي مَعْلُومَةٍ لِأَزِمَ تَعْرِفُهَا
عَنِّي أَنَا ضَعِيفُ الشَّخْصِيَّةِ، وَأَيُّ حَدِّ بِيَقُولِي أَيُّ حَاجَةٍ أَنَا بِعَمَلِهَا
وغيرَ مَسْئُولٍ عَن تَصَرُّفَاتِي وَاللَّهِ!

دَخَلَ الْكَلْبُ - اللَّيِّ مَشَّ كَلْبًا - وَدَخَلْتُ أَنَا، رَائِحَةُ الْبُخُورِ كَانَتْ
تَمَلُّ أَرْجَاءَ الشُّقَّةِ، بِهَدْوٍ أَغْلَقْتُ الْبَابَ وَتَسَحَّيْتُ إِلَى الْمَطْبَخِ وَأَنَا
أَضَعُ يَدِي عَلَى بَطْنِي، مِنْ خَلْفِ السِّتَارَةِ كُنْتُ أَشَاهِدُ الْكَلْبَ - اللَّيِّ
مَشَّ كَلْبًا - يَنْظُرُ بِذَهْوَلٍ قَبْلَ أَنْ أَسْمَعَ صَوْتَ صَبْحِي يَقْرَأُ آيَاتَ
مِنَ الْقُرْآنِ، وَهُوَ يَخْرُجُ مِنْ غُرْفَتِي وَيَتَحَرَّكُ بِبِطْءٍ وَيَقْتَرِبُ مِنْ
الْكَلْبِ فَتَنْظُرُ الْكَلْبُ لِي نَظْرَةً لَا تَحْمَلُ الْخَيْرَ وَفَتَحَ فَمَهُ وَزَمَجَرَ،
أَغْلَقْتُ بَابَ الْمَطْبَخِ عَلَيَّ مِنَ الدَّخْلِ وَيَدَايَ وَعَضَلَاتِ بَطْنِي
تَرْتَجِفَانِ، بَدَأَتْ أَسْمَعُ عَمَّ صَبْحِي يُرَدِّدُ شَيْءًا مَا لَا أَفْهَمُهُ وَالْكَلْبُ
يَنْبَحُ نَبَاحًا عَالِيًا مُخِيفًا:

- هَاااااااااو هَااااااااو هَااااااااو.

كان هذا صوت صبحي، فتحت الباب بحذر لأتعرّف على ما يجري؛ فرأيت الكلب تحول إلى كتلة لهب على شكل كلب وتضاعف طوله مرتين، وصبحي يصرخ في:

- إبعد إبعد ... يا حُزِين إقفل الباب عليك ... إنْت مشر مُحَصَّن.

كان هذا قبل أن أشعر بسخونة شديدة بجانبني نظرت نحوها، فوجدت باب المطبخ يشتعل ويتآكل فابتعدت للخلف، فأجفنتي صوت أجش ليس له مصدر محدد يأتي من جدران الشقة الأربعة:

- عشان تعرف إنني لما قولت عليك إنك ابن كلب كان عندي حق.

النظرية الرياضية تقول إنه بجمع الصوت الذي يتحدث الآن، بالإضافة إلى كلمة عم صبحي بأني غير مُحَصَّن؛ سيكون الناتج المنطقي إنني لو كنت محظوظ ... سيأكل هذا الكلب بطني فقط!

مسكت تليفوني وطلبت رقم عم رُحيم قبل أن يرد عليّ، وجدت الكلب الأسود مرة واحدة خلفي، وهو يزمجر وينبح ويقترّب مني؛

أصبحت النار تشتعل في الباب من خلفي وهو أمامي، لم أجد غير أن أستسمحه لعله يتركني:

- والنبي ياعمو أنا آسف بس بلاش بطني والنبي ...

قفز مرة واحدة إلى بطني وعض الكرتونة، وسحبها وعندما شعر بأنها كرتونة؛ تَضَخَّم حجمه ثلاث مرات ونظر لرأسي التي أصبحت أدنى من رأسه واقترب، فأغمضت أنا عيني، وشددت عضلات بطني ورددت الشهادتين، قبل أن أجد يد تمسك كتفي وتدفعني إلى الخلف بقوة فخرجت من المطبخ، كانت هذه يد عم صبحي، الذي اقترب من الكلب وقذف عليه بوردرة بيضاء، فترجع الكلب خطوتين إلى الخلف واصطدم برف الحِلِّ الذي سقط محدثاً صوتاً مُدَوِّياً، لكنه تماسك من جديد، وقفز بقدميه الأماميتين على صدر عم صبحي، ودفعه وهو ينبح إلى الحائط المقابل الذي كان خارج المطبخ بخمسة أمتار ليسقط عم صبحي مفشياً عليه، ويعود الكلب الأسود - اللي مش كلب - ويرمقني بعينين يتطاير منهما الشرر قبل أن يقف أمامي، وأسمع الصوت من كل أرجاء الشقة ثانية:

-أنا خلاص هموت بس هموتك معايا يا ابن الكلب!

- طيب موتني بس ربنا يخليك ملكش دعوة ببطني!

لكن فجأة انفتح باب الشقة، وظهر الحاج رُحيم وهو يُكبر
ويقذف في عينيه البودرة البيضاء، فزمجر ونبح، وحاول أن يقفز
عليه، ولكنه نبح بعشيرة هائلة وبات حجمه يصغر ويصغر حتى
انكمش بسرعة، وسقط على الأرض غير قادر على التحرك!
- إيه اللي حصل لعمك صبحي؟!

كانت هذه العبارة من الحاج رحيم بعد أن وجد عم صبحي
يفترش الأرض؟

- الكلب خبطه في الحيطه، اطلب له الإسعاف، وخليهم يعملوا
حسابي معاهم، كان هذا قبل أن يُظلم كل شيء من حولي وأسقط
على الأرض ثانيةً.

في المستشفى وعلى نفس السرير الذي كنت نائم عليه
استيقظت على صوت وكأنه صوت أحمد هندي:

- اااااااااااه يا بطني .

فتحسست بطني لا إرادياً؛ فوجدتها سليمة وأنا أنظر ناحيتها
فلم أجده، وفجأة وجدت أمامي عم صبحي:

- عامل أيه يا حُزين دلوقتي؟

- أنا كويس... إنت كويس؟ ... الحاج رُحيم فين؟

- أنا خرجت من أول يوم جيت فيه المستشفى وطردت
العفارييت بره الشارع خالص، الحاج رُحيم كويس وكان هنا
بيسأل عليك من شوية، وصاحبك أحمد حالته اتحسننت
وطلع من المستشفى، على فكرة إنت هنا من أربع أيام،
والحاج والحاجة جُم من العمرة، ووالدتك هنا، بس راحت
تسأل على واحدة صاحبيتها وزمانها رجعالك.

- إيه اللي حصل بالظبط؟ سألته فأجاب عم رحيم بصوت
الواثق المنتصر:

- أنا لما طلعت عندك الشقة، اتكلمت مع الجن اللي كانوا
لابسين القطه والكلب، وهما اقتعوا وخرجوا بره، وبعد
كدة بخرت الشقة ببخور ريحته ما بيستحملهاش الجن
اللي من قبيلتهم، ولما جه الجن المُفترس قريت عليه
تعويذة خنقته، وبتأثير البخور خُلَّت الجسم اللي عايش
فيه يضيق عليه ويلفظه، والنطنطة والحركات اللي عملها
دي كانت زي ما تقول كدة حلاوة روح، وبعد كدة اختفى
من شقتك، راح لبس جسم كلب بلدي كبير تاني، ولما
أنا خرجت من المستشفى دورت عليهم ولقيتهم متجمعين
مرة ثانية في الشارع، ومستتين مكان جديد بياتوا فيه،
فأقنعتهم إنهم يسيبوا الشارع خالص في سلام بدون
حرب، فاستجابوا ومشيووا.

- طيب هو إيه البودرة البيضاء اللي رشتوها دي؟

- ده ملح مطحون ... بس الفكرة إنه بيدخل في عين الكائن
اللي جواه العفريت؛ فيحرقها ويعطله.

- آها، وعشان كدة كنت بتنفخ في عيني أول ما شوفتني!

- لا أنا ما كنتش بنفخ؛ أنا كنت بشوف إن كان في جن لبسك
ولا لا؛ أصل اللي ملبوس جانب عينه الشمال بيبقى أزرق.

- آها يا عني إنت كنت بتأكد إنني مش ملبوس ... إيه، إنت
بتهزر صح؟ ... لأن إنت جانب عينك أزرق!

- هههههههههه إنت عرفت يا خلبوص ... أيوه أنا جن
صحيح ... بس أنا من قبيلة الزودو الطيبين مش بنضر

حد يا عني، إلا لو حد أذانا أو رفضلنا طلب وهدفنا في
الحياة أنا وقبيلتي إننا نحارب قبيلة الذادو الأشرار،

والراجل والست المتجوزين استدعونني عشان أطرده اللي
ساكن بيتهم، فلبست عم صبحي اللي كان قاعد لوحده،

مفيش حد بيسأل عليه ونفذت مهمتي على أكمل وجه ولا
إنت إيه رأيك؟ بطل أنا على فكرة لوحدي هزمت ثلاث

في معركتين ويدون مساعدة من أهلي، بس على فكرة لو
إنت ذكي كنت عرفت ده من الأول، هو فيه بني آدم يقدر

على عفريت برضو هههههههههه بس برضو إنت ذكي.

..... -

- على العموم سيبك من الموضوع ده وخلينا في المهم، أنا

زهقت من الجسم اللي أنا فيه ده قصير، وعجوز، ومش

عارف لا أجري ولا أطول الحاجات العالية بيه، وبصراحة

أنا عايز ألبسك إنت وحاسس إن الموضوع اللي حصل ده

هيكون بداية صداقة عميقة بينا، والأهم من ده شقتك

حلوة أوي ... ها رأيك إيه ولا إنت ناوي ترفضلي طلب؟

دخلت أمي، ألقى السلام على عم صبحي. اللي ما طلعتش

عم صبحي. ثم صرخت في صرخة مدوية مجلجلة عابرة للزمان

والمكان تقضي على الكائنات الحية في طريقها:

. مانت كويس أهة يا زفت ... طبعاً عملت عملتك وبهدلت

المطبخ وحرقت بابه، وروحت استخبيت في المستشفى؛ عشان

ما تتعاقبش ... لكن والله أول ما الدكتور يكتبلك على خروج،

لأعاقبك وبالشبشب كمان.

..... -

- إلحقني يا دكتور الواد ابني باينه مات ثاني!



حُزِين .. في قصة حب

بعد تلميعه حذاء وبختين عطر سيجعلونني أزداد وسامة،
نظرت في المرأة على كامل هيئتي، أنا الآن جاهز لمقابلة أجمل
فتاة في عيني، أثقل فتيات جيلها (جوجو)، سأضحّي من أجلها
بأجرة تاكسي حتى لا أتأخر على موعدنا.

عندما وصلت إلى الحديقة، وجدتها تقترش الأرضية وتمسك
بيديها ساندويتش هامبرجر كبير الحجم ومن حولها ثلاث قطط
ينظرون لها بطمع؛ أن تعطي لهم شيء، اقتربت منها وحيبتها
باشتياق:

- جوجو ... إزيك.

ردت وهي تحاول إخراج صوتها بعدوبة من بين كمية الطعام
الذي يُهرس بين فكّيها:

- جوجو ... إتاخرت ليه؟ ... مخصماك.

- معلش غصب عني ... دنا حتى جيت بتاكسي ... وحشتيني

موووت.

- بس كدا ... عنيا .

- تسلمني يا حوجو .

في اليوم الثاني سرقت بذلة فرح أبي . هذه سرقة ببيضار
لأقابل بها والد جوجو الأستاذ جوهر، ليتعرف عليّ وأمهّد له
موضوع زواجي من ابنته، دخلت المنطقة وسألت عن القهوة، أولاد
الحلال دلوني على طريقها، فواصلت السير وأنا أنحرف مع
الشارع يمينا ويساراً، حتى ظهرت أمامي يافطة (كافية البساتين)
مكتوبة بالنيون القديم، طبعاً الآن تعتقد أنني سأسأل عن الأستاذ
جوهر، وأنا أيضاً كان هذا في خطتي بالضبط، لكنني لغيتها
بسبب ما رأيت ... وجدت بني آدم لا تؤاخذني على كلمة بني آدم
هذه، في أواخر اعوامه الأربعين، ملامحه تكاد تتطابق مع ملامح
جوجو، أنا بالفعل أحمق كان يجب أن أتوقع أن ثلاثي التي أحبها
- جوجو - لن يلبسها إلا شخص - لا تؤاخذني في كلمة شخص هذه
- بمواصفات مارد فطوله يقترب من السقف، وعرضه يقترب
من المتر ونصف، يجلس على طاولة خشبية، نعم على طاولة
خشبية وليس كرسي عادي، وهذا من البديهيات حيث يستحيل
وجود كرسي في العالم صنعه مصنع بشري سيسعه أو يتحمّله،
يجلس على الطاولة وهو يرتدي جلباب بلدي أسود، وشعره واقف
منكوش، وكأنه هارب من أيام كفار غرابا عك .

بجواره الشيشة وكوب شاي، وأسفل الطاولة التي يجلس
عليها يوجد منفاخ يدوي لونه أحمر، يمسك طفل بالكاد يكمل
العشر سنوات من عمره من ياقته، ويطوحه يمينا ويساراً وهو
يصرخ فيه:

- إنت بتسرقتني يا بن الـ (...): خمس ساعات بتلف بالتوكتوك
ما تكملش الميت جنية؟

- يا معلم والله ما فيش زباين .

هذه كانت من الطفل وهو يصرخ ويحاول الخلاص من بين
ذراعي الوحش .

- بص يا واد أنا هسيبك كمان ساعة، عارف لو مجبتليش
الميت جنية كاملة؛ أنا هجيب أبوك من بيته وهنفخه بالمنفاخ ده،
وأشار إلى المنفاخ الذي أسفل طاولته، وهعلقهولك على باب
القهوة دي ... يلا أمشي .

مع هذا المشهد طار ذهني إلى ما تحكيه لي جوجو وهي
تستخدم مصطلح (بابي) والبذلة التي أرديها وعدم ملاءمتها
لتكوين هذا الرجل - آسف - هذا المارد .

- بتبصلي كدة ليه يا كابتن؟ ... عايز حاجة في الليلة السودا
دي؟!

هذا السؤال كان من فمه الغليظ، لكنه موجه لمن لا يعرف
غيري أمامه إنه بالتأكيد موجه لي!!
- أنت شحات أطرش ولا إيه!!

حاولت أن أتمالك نفسي وأسحب نفس لرتأي لعله يشجعني
على ما أنا مُقدم عليه.

- أنا حزين وجايك في موضوع عائلي ...

- آه هو إنت بقى... ومالك كدة مش على بعضك ليه
شدلك كرسى واطلبي موز باللبن وتعالى أقعد جنبى
نظرت له بذهول، فرد على:

- أنا صاحب القهوة... آه... بس إنت اللي عايزني ولا إيه؟

- لا... من غير إيه طبعاً طلباتك أوامر يا عمي طلبت
موز وطلبت لنفسى شاي، وجلست بجواره فبادرني وأنا
أرتشف أول رشفة من الشاي:

- بص يا تنوس عين أمك... ولا بلاش، بص يا كابتن أنا
وأنا قاعد مكاني هنا عارف الدبانة الكبيرة النتة بتحط
بيضها فين... هذه الجملة القذرة أتت وأنا أرتشف
من كوب الشاي؛ فتخيلت غصب عني شكل الذبابة!

فاشمازيت، وتركته وهو يستطرد بدون اهتمام وكان
جملته القذرة لم تؤثر عليّ.

- وعارف إنت بتقابل البت من قد إيه، وساييكم بمزاجي،
فمتملفش وتحور أحسن لك وانطق عايز مننا إيه، بدل ما
أنفخك بالمنفاخ الألماني ده...

ابتلعت ريقى وأنا أنظر للمنفاخ الأحمر وقلت له بصدق:

- يا عمي أنا نيتي الجواز .

- كويس ... عندك شقة؟ تقدر تصرف عليها؟ طبعاً لا ...
بقولك إيه معاك كام دلوقتي؟

- نعم!

- معاك كام في جيبك إخلص؟

- ١٣٠ جنية.

- هتروح تجبلنا كيلو كباب صايف من أول الشارع وتيجي؛
عشان الكلام يحلو... بس بسرعة.

لعل هذا اختبار ليحدد به إذا كنت كريم أم لا... ولذلك
عليّ أن أضحي؛ حتى أنال رضاه رغم أنه لن يتبقى لي شيئاً.

ذهبت وأحضرت له الكباب وعدت إليه، وكان في نيتي أن أحكم
له خططي في المستقبل؛ حتى أستطيع إسعاد جوجو وتلبية كل
احتياجاتها ليطمئن على مستقبلها معي.

أخذ مني كيلو الكباب ووضعها بجانبه... وبادرني:

- كنت بقولك تعرف تصرف عليها؟ طبعاً لأ، وشكلك عيبك
كدة ومبهدل ... خلاصة الكلام عشان مش فاضيلك
روح جيب شقة، ومهَر، وشبَّكة بميت ألف جنية، وتلاقني
شغلانة تأكلها منها وتعالى أخطبها، وقدامك مهلة ست
شهور، ولحد ما ده يحصل تقطع علاقتك بجوجو خالص
... عايز حاجة تاني؟

- حضرتك ده مستحيل يحصل لإنني لسه قدامي سنتين
على ما أخلص كليتي، ممكن تمد لي الفترة تلت خمس
سنين ... ابتسم وهو ينظر لي بدهاء كأنه سيفترسني:

- لا .

- طيب ممكن أفضل أقابلها عادي لحد ما تتخبط؟

- إنت راجل إعمل كدة وأشار بيده إلى المنفاخ.

- طيب ممكن كَبَابِيَّة واحدة؛ أصلي كنت عامل حسابي إننا

هنتعشى مع بعض؟

- أنا كدا هقوملك .

- لا خلاص الطيب أحسن.

هذا الرجل زرع سكيئة طولها خمسة أمتار في قلبي، سيتسبب،

بحماقته في تفريق قلبين عن بعضهم، سيجعلني أتالم من فراق

الفتاة الوحيدة التي أحببتها؛ ربما انحرف بعدها وأرتكب جريمة

قتل، أو أدخل مصحَّة نفسية، وربما أكون ثروة كبيرة تجعل هذا

الرجل يتذلل إلي، ويأتيني لكي أتزوج ابنته، وربما هي تحزن علياً

وتزيد من جرعات أكلها حتى تتضخم وتتفجر، ويسير هو حافياً

بجلباب ممزق حزناً عليها ... انتظرت حتى ابتعدت مدة كافية،

التفت ورائي فوجدته يأكل من كبابي فزعقت بأعلى صوت عندي:

- يا رب يجيلك مفص .

عدوت وأطلقت العنان لقدمي ولم أتوقف حتى وصلت الر

البيت ... تلقيت مكالمة من جوجو وأنا أشعر بمرارة الفراق فغرن

صوتي حزين منكسر:

- ألو.

- ألو يا حوجو.

- أبوكي رفضني يا جوجو رفضني ... رفضني أنا بقطعة
من جوايا ونسيت طعم الفرح ... يا جوجو . جاء صبرك
متماسك:

- يا بني أنت هتقلبها دراما وأفلام ليه؟

- أمال اعمل إيه يا جوجو دنا رَوَّحت جري؛ عشان أبوكي
دبسني في كيلو كباب وما كانش معايا فلوس مواصلات

- بجد ... طيب أنا هقفل عشان الحق أكل!

-! ليكي نفس بعد ما مشروع جوازنا فشل!

- دي حاجة ودي حاجة تانية خالص ... يا عني أفكر وان
على معدة فاضية ،هاكل وأكلمك أكون لقيت حل ... يا
يا جوجو .

- باي .



لم تُفلح مكالمتي مع جوجو بعدها في إيجاد حل ... رغم أني
اقترحت عليها أن نتخلص منه عن طريق وضع سُم في كيلو كباب
آخر سأشتره له، لكنها اعترضت (ده مهما كان بابي برضه يا
جوجو)، تشاجرت معها؛ لأنها تلوث لفضة بابي التي لا يمكن أن
تطلق على شخص مثله، إلا لو قارناه بعفاريت جهنم:

- المَعْلَم جوجو وبابي! إزاي يا عني يا جوجو؟

مش لايقة ... بابي دي بتاعت واحد برنس زي الأستاذ
حسين فهمي، أو الأستاذ عزت أبو عوف مش راجل فاضله أربع
كاوتشات وسلسلتين ويقي كراكة ... ردت وهي تعاتبني:

- لا حظ إن كلامك جارح ... وأنا مش ناقصة ... جعانة
اصلاً.

- بصراحة كل ما افتكرك حركة الكباب دي مش بقدر
أسامحه ... يبدو أن كلامي جعلها تتذكر طعم الأكل فتهلل
وجهها:

- الكباب كان جميل ... أنا لحقت آخر تَلَّتْ حِتَّتْ ... تسلم
إيدك بجد!

- بجد عجيبك!

- آه ... أوي ... أوي أبقَى أكلني كل ما يبقى معاك فلوس .

- عنيا يا عونيا ...

أشت رقبته خجلاً:

- ما تكسفينيش بقي خليني أركز في الموضوع المهم .

- ها ... اتكلمي.

- عمي ماهر ... أنا كلمته في التلفون وهو قالي إنه هيكلم بابي بس عايز يشوفك الأول؛ عشان يتأكد من إنك إنسان كويس... قاطعتها باندھاش:

- مش ده اللي حكيتلي إن في حرامي دخل عليه ودبجه... قاطعتني باستنكار:

- تَفَّ من بَقك ... الثاني الله يرحمه عمي شاكِر ... هما تووم شَبَه بعض أصلاً في الشكل والصوت وكل حاجة... ما كَانْش في حد يعرف يفرقهم عن بعض، وهما أكبر من بابي، وكانوا متعلقين ببعض جداً وما بيسبوش بعض، وكل واحد منهم في حالة وغلبان في بعضه كدا، وده خَلَّى جدي الله يرحمه لما بقى عندهم ١٨ سنة يقرر إنه يَحْلِي كل واحد منهم في شقة مستقلة؛ عشان يعتمدوا على أنفسهم وعشان ما يعترضوش اشترى شقتين في عمارة واحدة، واحدة منهم في الدور الثاني والثانية في الثالث ... ومن حوالي عشرين سنة، وفي الليلة المشؤومة دي دخل حرامي على عمي شاكِر اللي في الدور الثاني ودبجه ... ساعتها جدي حس بالذنب؛ ومات بعدها بيومين وعمي ماهر

جاتله حالة اكتئاب، وما بقاش يخرج من شقته إلا قليل أوي، بس هو حد جميل غير بابي خالص أنا واثقة إنه هيرتاحلك، وهيضغط على بابي عشان يوافق ويابي مش بيرفضله طلب.

- أروحله إمتي؟

- النهاردة الساعة (٧) ... خد العنوان أهة.

دَسْتُ في جيبِي ورقة بها العنوان.

- وإوعى تتأخر عليه؛ عشان بينام بدري وكمان خده على قد عقله؛ عشان هو ساعات بيحكي قصص خيالية كدة ما تبقاش غشيم؟

- يا عني هو حد جميل ولا بيتخيل حاجات؟

- الإيتين .

-

فكرت في الأسماء الثلاثة جوهر وماهر وشاكِر أسماء قديمة، وبما أن عمها ماهر لا يخرج من بيته إلا قليلاً؛ فغالباً هو من الجيل القديم المُحَافِظ، لذلك فَرَقْتُ شعري من المنتصف ووضعت عليه فازلين وجدته بداخل علبة في المطبخ ... غالباً أمي تخفيه

- تعالى يا حزين.

وجدته يرتدي قميص أسود وينطال أسود ... غالباً ذوق هذا الرجل وأدبه جملاء يبدل ملابسه، ولا يقابلني بالفانلة البيضاء؛ احتراماً لي، حيانتي ... ورحب بي بشدة وأدخلني الشقة ... الشقة مستطيلة الشكل، عندما تقف على الباب ستري أمامك في أقصى الجهة المقابلة البلكونة وقبلها هناك مساحة مربعة لاستقبال الضيوف موضوع فيها مقاعد أنتريه قديمة الطراز، وما بين البلكونة والجزء المربع يوجد غرفة موصدة وأخرى مفتوحة، كمية التراب كبيرة تغطي كل شيء في الشقة، وكأن لها ثلاث سنوات لم تنظف أو يدخلها أحد، فبدأ بالكلام يشرح لي:

- أنا عايش لواحد عشان كدة الشقة بقالها كثير ما تتضفتش ... وحياة العزوية صعبة يا بني عشان كدة لازم تتمسك بجوجو، وما تسيبهاش غير لما تتجوزها وأنا هساعدكم .

انشرح قلبي من هذا الكلام الجميل:

- يا سلام حضرتك يا عمي وفرت عليا كثير أوي ... أنا بصراحة كنت بحسب حضرتك هتعاملني زي المعلم جواهر أخوك، بس فرق كبير بين معاملتك ومعاملته.

حتى تجعل شعرها لامع ... ارتديت بنطال أسود وقميص أبيض بدون ألوان؛ حتى أكون جاهز لمقابلته، ويأخذ عني انطباع أنني أشبه شباب زمان وفي من بركاتهم، عندما وصلت وجدت رجل أربعيني أقرع، قمحي اللون، عريض الصدر، يجلس بفانلة بيضاء حمالات في بلكونته ويدخن سيجارة ... ناديت عليه:

- عمو ماهر؟

هز رأسه موافقةً وسألني:

- انت حزين؟

-أيوه ...

- اتفضل اطلع.

قال جملته وهو يبتسم ... بداية جيدة هذا الرجل وجهه به بشاشة مطمئنة ... الآن عرفت جوجو وجهها بشوش لمن ... أخذت أصعد سلالم الدرج ثم وقفت أمام شقة في الدور الثاني العلوي، بابها أخضر غامق، وسألت نفسي هل هو في الدور الثالث أي هذا الدور أم الثالث علوي؟

هل أنزل مرة أخرى إلى أسفل وأتأكد منه أم أتصل بجوجو لكنه فتح باب الشقة الأخضر وخرج منها ورحب بي:

- يا حزين صوابك مش زي بعضها، وعلى فكرة بقى جوجو طيب، هو بس عصبي وشغل السوق خلاله ما بيتقشش حد، لكن لما يبقى حماك هتحبه جداً دننا ممكن تشارك تشكيلة مني أنا شخصياً هعهمعهه.

- العفو يا عمي ... أنا بس عايزة يعرف ... إني بحب بنتاً جداً... وروحت اتقدمتلها وأنا مش جاهز عشان محسن غيري يسبقني.

- هيحصل وهتجوزها وأنا بنفسى هكلمه... بس ... أنا ليا عندك خدمة ؟

- إنت تؤمرني يا راجل يا جدع يا طيب يا ذوق.

أخرج سكيناً كبيراً ملطخاً بالدماء، ذا يد صفراء من تحت كنية الأنتريه!

- إنت هتاخذ السكينة دي، وهتطلع الشقة اللي فوق تخبط عليها، هيفتح لك أخويا تروح مَكْتَفُه وتدبجه بسرعة.

استمعت إلى كلامه وعلى وجهي ابتسامة إعجاباً بخياله الواسع وقدرته على المزاح وقت الجد. هنا قطعت جوجو كلامه برنة على تليفوني، رفعت له الهاتف، وأشرت له أنها جوجو تريد

أن تطمئن على موضوعنا، طلبت منه أن يحدثها كمفاجأة لها ويطمئنتها، ولكنه حرك رأسه رفضاً. رفعت التليفون على أذني ورددت عليها:

- أيوه يا حُبي.

قبل أن أتذكر أن عمها موجود.

- أيوه يا جوجو ما تخافيش أنا قاعد مع عمك وفعلاً زيّ ما قولتيلي، راجل كويس جداً ودمه خفيف بشكل... قاطعتني وهي تصرخ فيّ:

- الله يخربيتك عمي لسه مكلمني، وبيقولي إنه شاورلك من البلكونة، وبعد كدة اختفيت روجت فين يا منيل، أكيد دخلت عند حد غلط ... رددت عليها بثقة:

- يا بنتي إزاي مش عمك ده أقرع وعريض من فوق كدة واسمه ماهر!!

أخذ هو المبادرة، وقال لي أنا مش ماهر أنا شاكر ... صَمَّتُ برهة قبل أن أستجمع ما يقوله وأفهم .

- آها ... حضرتك أنا كنت فاكر غلط بقى... كنت فاكر إن شاكر هو اللي إتقتل!

- أيوه يا ابني منا القتل .

ارتعشت يداي وسقط الموبايل مني على الأرض المتسخة ...

قبل أن أتمالك نفسي:

- حضرتك بتعمل فيا مقلب صح ؟

- يا ابني هو أنا أعرفك! طيب هتبتلك ...

أخذ السكينة وذبح بيها نفسه بسرعة؛ فطار دمه بفزارة على الأرض والمقعد المجاور والموبايل الساقط ... وأخذ يكلمني وهو ينزف بسرعة، ولكن صوته هاديء كأنه يستجم على الشاطيء!

-ها اتأكدت إنني القتل؟!

هزرت رأسي يميناً ويساراً وإلى الأعلى والأسفل ... أنا مش

عايز أتجوز ... أنا هروح.

-يا بني إنت خايف مني ولا إيه؟ أنا روح ... شبح يا عني مش

عفريت فاهم؟

-انت فاكرك إنك بكدة طمنتني؟

- ركز عشان فاضلي سبع ساعات بس وهرجع تاني ومش

هنزل غير السنة الجاية ...

٩٩٩٩٩٩٩٩

استطرد كلامه:

- أنا عايزك تدبح أخويا؛ عشان يموت بنفس الطريقة اللي

أنا مُت بيها؛ وبكدة يجيني في نفس المكان ونعيش مع

بعض.

- طيب روح قوله كدة ... إفرض هو ملوش مزاج يندبح!

- مهو أنا خايف أظهر له؛ يموت من الخضة وده راجل

عنده القلب ... وما نبقاش مع بعض لازم يموت بنفس

الطريقة.

- خلاص إدبجه انت.

- ما ينفعش أنا شبح مش زومبي، ما قدرش أموت حد أنا

أخري أجنن بس.

- واشمعني أنا؟ ما أنا إنسان مش قَتَل قَتَلَة!

- علشان إنت إنسان طيب وشهم، وأنا عايزك تتجوز بنت

أخويا، وما فيش غيرك استأمنه على الموضوع ده.

قبل أن أجيب عليه قام من مكانه وأغلق رقبته التي كانت لا تزال تتزف بيدها، وكانني أشاهد فيلم لتوم جيري، وأشار لي بالخروج على الفور:

- إمشي دلوقتي وإوعى تجيب سيرة لحد عن الاتفاق ده ... فاهم؟

- انت خلاص خليته اتفاق!!

- يلا بسرعة اطلع بره ... وخليك فاكر إن الإنسان منكم يا دابح يا مدبوح، جريت ناحية باب الشقة فتحته وخرجت منه أركض ... قبل أن أتوقف وأجد أمامي جوجو بادرتني وأنا أنهج:

- كنت فين يا متعوس، وإيه اللي حصل ... سمعاك عمال تكلم نفسك يا آخرة صبري، وإيه المايّة اللي في بنطلونك دي؟

- مائة ... مائة إيه؟! ... آه دي عربية طرطشت عليا ... هقولك بعدين تعالي نشوف عمك الأول.

صعدنا إلى الدور الثالث علوي حيث وجدناه ينتظرنا، كان بالفانلة كما رأيته في البلكونة استقبلنا بابتسامة وترحاب:

- هو انت روحت فين؟ ... مش أنا كنت بناديك زوجت فين؟ وبآل نفسك ليه إنت طفل؟ وإيه اللي عامله في شعرك ده إنت عبيط؟

- آنا.. آنا ...

- إنت هتأنا ...

- ردت جوجو مكاني :

- هو يا عمي تاه على السلم ... والمائة دي عربية طرطشت عليه .

- لا ، أنا لما شوفته مآكأنتش المائة دي عليه ده أكيد عملها على نفس ...

رَفَعْتُ إِيْدِي وَعَمَزْتُ بَعَيْنِي لَكِي يَسْكُت :

- بنت أخوك واقفة جنبني ... استرني الله يسترك.

- استرك هعهعهعههع منا قولت ده أكيد شا ...

- خلاص يا عمي فهمت ...

كانت هذه من جوجو ... قبل أن تلتفت لي وهي مشمئزة:

- أنا فهمت الله يقرفك، كانت هذه الجملة كفيلا أن أضعف،

وأحكي لهما ما حدث:

- أنا بصراحة طلع لي شبح عمك المدبوح.

-

بنبرة حادة للغاية جاء جواب ماهر عم جوجو:

- يا عني غير إنك عبيط ... إننت كمان مجنون.

- مش مجنون! بالأمانة كان لابس أسود في أسود والسكينة

اللي اندبح بيها كبيرة، والمقبض بتاعها أصفر...

تنهدت ... لألتقط نَفْسِي قبل أن أكمل:

- كان عايزني أقتلك عشان تتقابلوا بعد كدة.

قام عمها، ووقف، ووجه كلامه لابنة أخيه ويفضرب صدره

فيها:

- أنا أصلاً راجل حمار؛ إنني سمعت كلام واحدة زيك وفقدت

مع الحيوان ده ... إنني تنسي الموضوع تماماً.

- وأنت قوم اطلع بره.

نزلنا من عنده أنا وهي، حاولت إثبات أنني صادق ولست

بكاذب أو مجنون:

- أنا هقولك على حاجة عشان تتأكدني ... أنا كنت بكلمك

من موبايل وهو مش معايا دلوقتي، لأنه وقع مني وجه

عليه دم بتاع عمك شاكر لما دبح نفسه قدامي...

- !.....

- ها صدقتيني؟

أشارت بيدها اليمنى على جيب بنطالي... وهي تستدير

وتشيع بوجهها عني.

- حُزِين، تليفونك في جيبك أهوا!

وضعت يدي في جيبي وجدته، رفعته ولم أجد به آثار دماء

... استدرت وتركته ... وصلت البيت، عقلي مُشَتَّت، أسترجع ما

حدث، هل كانت هذه تَهَيُّؤَات بسبب تأثيري بقصة عمها المدبوح أم

أن هذا حدث بالفعل؟ والأهم هل زوجي بجوجو بات مستحيلاً!

بعد ساعتين رنَّ تليفوني برقم جوجو وعلى عكس المُتَّوَع.

كانت سعيدة للغاية:

- حوحو... ليك عندي أخبار حلوة أوي... عمو ماهر كلم

بابا وبابا قال هيديك فرصة ثانية ... رديت بذهول:

- معقول ... ده عمك تقريباً طردني؟!

- لا يا حُزِين هو طردك فعلاً ... بس ما عرفش إيه اللي حصل ... ده حتى بابي كان بيتكلم عنك كويس دلوقتى ... أنا مش قولتلك بابي ما بيرفضش لعمو ماهر طلبها بعدها مباشرة تلقيت مكالمة من رقم غريب ...

رديت:

-إزيك يا حُزِين ...

هذا كان صوت الرجل المذبوح، الآن فهمت ما حدث هذا المذبوح اتصل بجوهر أبو جوجو، وأقنعه بي كعريس؛ حتى يجبرني ويبتزني لكي أذبح أخيه... لكن من الواضح أنه لا يعرف من هو حُزِين؟

- بص يا عم الشبح مش أنا اللي أخاف واتهدد، ولا يُمكن ابتزازي ... أنا حُزِين لا أشباح تهمني ولا عفاريت تلمني فاهم؟

- لا يُمكن ابتزازك ... ده بأمانة ما عملتها على نفسك بافسل.

أحياناً مواجهة الإنسان بالحقيقة تكون أصعب من إصابت بطلقة في الرأس .

- !.....

- عموماً أنا ماهر، مش شاكر، وعابذك تجيني حالاً ...
عشان موضوع جوجو وموضوع ثاني.

- يا عني إنت مش شبح ولا روح؟

- هو في شبح بيتكلم في التليفون يا بني آدم!

- آه عندك حق، ربع ساعة وهجيلك بس تستتاني على باب العمارة العجيبة دي ... اتفقنا؟

- اتفقنا .

استاجرت تاكسي وذهبت إليه، وجدته ينتظرني واصطحبني إلى الدور الثالث العلوي حيث شقته وكان حوارنا:

- بص يا حُزِين أنا طلعت جدع معاك وكلمتلك أخويا جوهر عشان موضوعك وطلب يقابلك ثاني، وممكن أخليه يوافق على الجواز بكلمة واحدة مني إنني أقوله أن دي وصيتي الأخيرة.

- وصيتك الأخيرة؟

- مهو هو ده الموضوع الثاني؛ أنا عابذك تدبطني.

- مَهْمَك! إنت بعد ما مشيت ظهر لي شاكر، وفهمني إنه بيظهر يوم الحادث من كل سنة، يزور المكان اللي اتقتل فيه، وبعد كدة يتعرف على أحوالنا ويرحل في سلام... أما المرة دي هو كان عايز حاجة... وقال لي هو كان عايز منك إيه... وأنا مقتنع بكلامه وعايزك تنفذه وتدبحني.

٩٩٩٩٩٩٩

- إنت معايا يا حُزين ولا روحت حتة تانية؟

- أنا ماقدرش أعمل كدة ... كانت هذه جملتي قبل ان ينفعل عليّ:

- ده مش بمزاجك ده غصب عنك ... شاكر قالك ما تقولش لحد، وإنت قولت وأنا اللي حايشه عنك ده غير إنك لو ما عملتش كدة؛ تنسى جوجو خالص ... أخرج من حقيبة جلدية سوداء السكنينة الكبيرة ذات المقبض الأصفر الملطخ بالدماء.

- يلا يا حُزين استهدى بالله وقوم ادبحني!

- إنت متأكد من اللي بتقوله ده؟

- طبعًا أنا أخذت حبوب منومة، قبل ما إنت تيجي ومفعولها اشتغل هروح أمدد على سريري، وإنت تيجي ورايا وتتسحب براحة، وتروح غارز السكنينة في رقبتي وبعد كدة تفصل الراس عن الجسم؛ عشان يحصل اللي حصل في حادثة أخويا بالظبط، ونرجع نعيش مع بعض.

- بس لو أنا عملت كدة ... هتَشِينِقْ أو على الأقل هدخل السجن وما حدش هيصدقني ومش هتجوز جوجو.

- ما تخَافش أنا سايب ورقة بخط أيدي بتقول إنني قررت الانتحار، وأجرت قاتل محترف وبكده نبعد الشبهة عنك، ووصيت جوهر يجوزك جوجو...

يا عني أنا مسَهلك كل حاجة وبعدين يا سيدي هو مش من الحب ما قتل؟

- قتل إيه حضرتك ... أنا عصير الطماطم بخاف منه!

- أنا ما بحبش أقول الكلام مرتين إنت كدة مش هتوصل لجوجو؛ وهتجنن ... وأنا ما بهدُدش؟

- حضرتك أنا ما بستحملش أشوف حد بياخذ حقنة قدامي؟

- أنا جايلك جري يا جوجو.

عندما وصلت الشقة، فتحت أمي الباب قبل أن أسألها عن

جوجو:

-إتأخرت ليه؟ ده الراجل أبو زميلك مستتيك من بدري،

وقاعد يحكي مع أبوك... لم أتكلم، دخلت وأنا لا أفهم ما يدور

من حولي!!

وجدته ماهر أو ربما عفريت شاكر! نظرت له مذهولاً قبل

أن يطلق أبي جملته:

- كدة تتأخر على الراجل يا حُزين، ده دمه خفيف بشكل ...

هو حالك النكته بتاعت الإنسان يا إما دابح يا مدبوح قبل كدة!؟

.....-

نطق ماهر أو ربما عفريت شاكر وهو بيتسم ويجز علي

أسنانه وتبرق عيناه:

- أنا هحكي هاله النهاردة... بالتفصيل الممل .. دنا مستتي

اليوم ده بقالي سنة!



هذه القصة العجيبة حدثت لي من سنة بالضبط، تفاصيلها

لم تتاكل ولو لحظة واحدة من عقلي، من سنة، وأنا لا أعرف هل

كان هذا حقيقي أم تخيلات!؟ فمنذ خرجت من هذه العمارة لم

اعد إليها أو إلى المنطقة مرة أخرى ... كما أنني لم أحك لأحد

حتى لا يتهمني بالجنون كما فعلت جوجو وأهلها ... أما جوجو

فاستسلمت لرغبة أبيها! وخطبت، لم أكن أعرف أنني كنت أسفنها

لغيري!

ماذا؟ هاتفي يرن برقم اتصالات وأخره ٧٧ أعرف هذا الرقم

جيداً، إنه رقم جوجو، هل انفصلت عن خطيبها وتريد أن تُعيد

قصة حبنا القديمة؟ في هذه الحالة سأصون كرامتي كما تقول أم

كلثوم، ولكن عليّ الأول أن أرد عليها، وسوف أظهار أنني نسيتها

حتى أشعرها أنها ليست في بالي وأن ألف فتاة غيرها تتمناني ..

- الو، مين معايا!؟

ردت علياً بصوت منكسر:

- الو.. أنا جوجو... نسيتي... إنت فين؟ تعالي بسرعة أنا

قاعدة عندكم في الشقة.

سأرد عليها بجملة تمنيت كثيراً أن أقولها: (موضوعنا خالص

إطلمي بره الشقة).

حُزِين .. فِي الْقَصْرِ

طك طم طك طرااااااخ!

- لولولولوي ألف مبروك يا واد! قوم قبِلت في شركة الأمن؛
وبقيت ظابط أمن قد الدنيا .

هذه كانت أمي وهي تفتح الشباك على آخره، ولا تحاول
أن تسألني عن سر متلازمة أمي في دخول غرفتي، وبعدها فتح
الشباك بكل هذا العنف والسرعة؛ مما يجعل الشمس تفتك يومياً
بعيناي!

لأنني رغم أنني ابنها وأعيش معها منذ زمن طويل، لم أجد
تفسير لهذه الظاهرة، لكن لحظة، الأمر يستحق نظرة، أمي
تقف بجوارى ممسكة بيدها حلة ويدها اليسرى شماعة هذا
طبيعي، أما ما هو ليس طبيعياً؛ أنها لا تضريني بشيء منهما
أو حتى تطلب مني النزول لإلقاء القمامة أو إحضار الإفطار،
بدأت استفيق، فأدركت أنها تَزْفُ إليّ نباً نجاحي في اختبارات
شركة الأمن، وهذا كان سبباً كافياً لانتفض على غير العادة من
النوم فرحاً بهذا الخبر، وأنهض لأذهب إلى الشركة لأعرف منهم
الخطوة القادمة.

- بالمناسبة الحلوة دية؛ خد كيس الزبالة من المطبخ بسرعة وانزل إزميه وتعالى.

!.....!



كنا قد رأينا إعلان لشركة بي تي إن إن لطلب موظفين أمن تقدمنا أنا وأصدقائي الثلاثة أحمد هندي وهيثم وإبراهيم.

وقامت الشركة بعمل اختبارات لنا ولكل المتقدمين، أنا وأصدقائي الثلاثة كنا من الناجحين، بعدها دربونا لمدة أسبوعين قبل أن يتم توزيعنا حسب رغباتنا على أماكن العمل، كل الأماكن المطروحة علينا كانت تتحمل فرد أمن، أو اثنين بالكثير ماعادا قصر مهجور كبير المساحة يحتاج إلى طاقم حراسة، كل طاقم مكون من ٤ أفراد بحيث يُقيم ويبيت كل طاقم لمدة خمسة أيام في القصر، ثم أجازة لمدة خمسة أيام يتولى فيها الحراسة الطاقم الثاني، ثم يأخذ أجازة وهكذا دواليك، ولذلك هذا القصر رغم أنه بعيد عننا وفي منطقة نائية إلا أنه كان يُناسبنا، حيث تواجدنا مع بعضنا البعض في العمل مثلما كنا في الكلية، هذا القصر ظل مهجوراً منذ أيام الملكية؛ لأن صاحبه تركت البلد وعاشت في فرنسا منذ أكثر من ٥٠ عاماً، قبل أن تشتريه شركة فرنسية منها وتكلف شركة التأمين بي تي إن إن بحمايته.

وقمنا العقد مع الشركة وحدد لنا العقيد سمير مدير الشركة- البدين - يوماً لاستلام العمل، يومها نزلت من بيتي متحركاً إلى مكان تجمعنا الذي سنستقل منه المترو ونذهب إلى القصر، منتشياً بالعمل الجديد انتشاء ذكر بط مسكوي في يسبح في بحيرة ممتلئة بالأسماك، أما عن ردي على مكالمات أصدقائي الذين يستعجلونني، كان أمراً بديهياً؛ فالضابط لا يرد على أحد.

كنت ارتدي زي الشركة، قميص بيج وبنطال بني، وقبعة، ورابطة عنق من نفس لون البنطال... فَرَدْتُ ظهري ورفَعْتُ وجهي وتحركت بخطوات واسعة، ولكن بتمهل، نعم كما جاء في عقلك بالضبط، كنت واثق الخطى أمشي مَلِكًا، لم تشيني ضحكات لثيمة، أو كلمات حاقدة من عينه:

- هتفضل طول عمرك تافه يا حزين.

- ربنا يشفي.

أو قشرة يوستفندي يلقيها تلميذ في المرحلة الابتدائية، تخترق ياقة قميصي وتنزل مباشرة داخل قفاي من استكمال سيرتي (الطباطبي)، وصلت إلي أصدقائي وأخذنا المترو، حتى وصلنا منطقة القصر وانتظرنا مدة طويلة حتى ظهر لنا تاكسي، فاستقلناه بعد أن أكد لنا أنه يعرف طريق القصر جيداً.

تحرك التاكسي سريعاً يقطع الشوارع الخالية تقريباً، على يميننا كانت الزراعات، وعلى يسارنا كانت صحراء... وكان علينا اللحاق بطاقم الحراسة الأول حتى نتسلم منهم القصر كما طلب منا العقيد سمير، لذلك بادر إبراهيم وسأل السائق:

-لسه كثير على القصر يا سطي؟

اجاب السائق بثقة من لا يذهب لأول مرة:

-خلاص يا باشا ربع ساعة .

كان إبراهيم في الأمام يركب بجوار السائق يُمسك بيديه تليفونه ويُقلب فيه، أما أنا وأحمد وهيثم كنا محشورين في الكنب الخلفية الضيقة، نستطيع بالكاد أن نتنفس وأنا كنت بين الاثنين... أحياناً أحقد على إبراهيم وأتمنى إن كنت ضخم الحجم مثله.

سألنا السائق بفضول السائقين وهو يبتلع ريقه؟

- معلىش يا بشوات... إنتو عايزين تروحوا هناك ليه ده قصر

مهجور من سنين ؟

سؤال عادي كان المتوقع أن يكون الرد عليه عادياً، لكن لأنني لم أعد عادياً، مددت يدي وضربت على كتفه وأجبتّه ببطء صوت أحمد ذكي في فيلم زوجة رجل مهم:

خاطبك في حالك.

لكن هيثم نظر لي نظرة عتاب وأجابه:

-أحنا من شركة بي تي إن إن ورايحين نأمن القصر...

تعجب السائق، وقال:

-برضوا أصل من كام يوم كدة وديت أربعة، زيكوا كدة، نفس

المكان وقالولي إنهم من نفس الشركة ورايحين يؤمنوا القصر.

رد هيثم مفسراً له:

- أيوه القصر محتاج طاقمين حراسة يبدلوا مع بعض كل

خمس تيام.

- كتر خيرهم وخيركم بصراحة مين يستحمل اللي استحملوه واللي هتسحملوه.

نظرنا له كلنا بترقب... وسأله إبراهيم بصوته الأجلش:

-قصدك إيه يا اسطي؟؟

رد السائق متعجباً:

-هو انتو ما تعرفوش؟؟

بدأ القلق يظهر علينا، فسأله أحمد:

- مالكم خفتوا ليه، أنا بس قصدي عشان القصر بيمين شوية، وفيه حاجات غالية بقى مطمع للحرامية وقطاع الطرق وولاد الكلب.

حذرت هيثم أكثر من مرة من التكلم مع العامة في الأمور الأمنية، ها هو هذا السائق يشكك في قدراتنا الأمنية.

نطق إبراهيم بصوت عالٍ وكأنه يُطمئن السائق ويُطمئننا معه:

- ما تخافش أنا معاهم.

انحرف السائق في طريق طويل ظهر لنا في آخره سور القصر لونه رمادي باهت وبوابته سوداء عتيقة، اقترب التاكسي منها حتى توقف أمامها ... هَدَأَ سرعته وأوقف سيارته وقال وهو يبتسم:

- حمد لله على سلامتكم.

فتح كلٌّ من إبراهيم وهيثم وأحمد الباب ونزلوا، فيما أخرجت أنا عشرين جنيهًا للسائق، في البداية نظر لها ثم مسكها بطرف يده من بعيد، وأخذ ينظر لها بقرف كأنه اصطاد فأرأ، ثم قلبها بين يديه كأنه يشاهد عملة لجزر الزنجبار، ثم صاح:

- إيه ده أنا عايز ٤٠ جنية وأبقى كارمكم غيري بياحد خمسين وستين، نظر له إبراهيم وهو واقف خارج السيارة، ورفع يده يهدئني قبل أن أرد على السائق وقال لي:

- ما فيش مشكلة أنا هتصرف يا حزين ... الأسطى برضو تعب ولف جامد معانا.

استدار إبراهيم وتحرك ناحية شباك القيادة حتى أصبح يجاور السائق تمامًا ووضع يده في جيب سرواله، وأخرج منه جنيهًا معدنيًا دسّه في يد السائق وهو يقول له:

- تصرفهم في الخير إن شاء الله.

نظر له السائق قليلاً قبل أن يقول:

- إنتو باين عليكم نصابين.

- هنا أدخل إبراهيم رأسه في التاكسي وقال بصوته الأجهش وبنبرة تهديد:

- مش عاجبك ولا إيه؟ لو مش عاجبك تعالى نطلع على أقرب قسم ولا تحب نحلها وديّ وخبط على دريكسيون التاكسي ... ظهر الخوف على السائق وهز رأسه على

مضض وهو يرجع للخلف... قبل أن يستدير وينطلق
للأمام لكنه توقف وأخرج لنا رأسه وصاح:
هتروحوا مني فين دي الدنيا أوضة وصالة... والأشباح
هتوتكم وهتيجوا عندي.

ثم انطلق، لم نهتم بما قاله ونظرنا أمامنا.

البوابة السوداء كانت مغلقة أعلى يمينها كان هناك جرساً
جديداً، يبدو أن شركة الأمن قامت بتركيبه، ضغطت على زره...
فيما كان إبراهيم ينادي على ((اللي هنا))، وأحمد حاول الطرق
على البوابة لكن لا أحد يستجيب، قبل أن يرن رقم غريب على
تليفوني استدرت ناحية الشارع واستقبلت المكالمة، الصوت لم يكن
غريباً عليّ وسألني:

- وصلتوا ولا لسه ؟

- أيوه وصلنا إنت مين؟

- أنا العقيد سمير مدير الشركة.

- أيوه يا فتندم... وصلنا يس ما حدش من الطاقم الأول
موجود.

الطاقم الأول انسحب النهاردة الصبح، من غير إذن
والشركة حولتهم للتحقيق وهتتخذ قرار بفسخ عقودهم،
شايف الشجرة الصغيرة اللي لسه مزروعة على يمين
البوابة الحديدية؟

لا... خالص يا فتندم مش شايف حاجة.

- خلي وشك للبوابة يا أفندي مش للشارع... التفت وأنا
اتعجب كيف يراني؟

- أيوه يافتندم شفتها.

- مدفون تحتها مفاتيح القصر... ادخلوا ووزعوا نفسكم زي
الخطبة الأمنية ولو في أي مشكلة كلموني... بالمناسبة في
جنايني بيجي كل ثلاث تيام اسمه شاهين، ده الوحيد اللي
مسموح له يدخل مفهوم؟

- أوامرك يافتندم .

وضعت يدي أسفل الشجرة وأخرجت المفاتيح وفتحنا البوابة
...وقفنا لثوانٍ ننظر لِكِبْر مساحة هذا القصر كان عبارة عن
حديقة مربعة ضخمة الحجم، يتوسطها مبنى دائري كبير عبارة
عن فيلا من طابق واحد مغلقة بسلسلة وقفل كبير تحتل ثلث

مساحة الأرض. أطراف الحديقة الترابية بها الكثير من جدران
اشجار الفواكه المَقَطَّة؛ جواقة وتوت ورمان وغيرهم. يصل بين
البوابة السوداء الضخمة ومبنى الفيلا الدائري طريق طويلاً
عرضه ثلاثة أمتار من الرخام الأسود. أما في نهاية القصر
فيوجد بوابة حديدية سوداء صغيرة ربع حجم البوابة الأمامية
تقريباً... وعلى اليمين كانت حجرة مبنية من الطوب الأبيض
بالتاكيد هي الحجرة التي سببت بها، ذهبنا لتفقدنا فوجدنا
بها أربعة أسرّة، وموقد نحاسي وثلاجة صغيرة وتلفاز قديم
وحوض وصنبور وحمام صغير، مع كمية تراب وقمامة وقشر لب
غير طبيعية... تساءل أحمد بدهشة عن كل هذا الاتساع؟ وكان
التفسير الوحيد المنطقي هو شاهين الجنائني أو طاقم الحراسة
المنسحب! الشركة نوهت علينا كثيراً في مسألة النظافة؛ لذلك
شمر هيثم قميصه وقال:

- استعنا على الشقا بالله يا رجالة.

أزلنا كمية تراب رهيبية من الغرفة ومسحناها، كان على
واحد منا أن يذهب ويشترى طعام العشاء، ولم تكن هذه مهمة
صعبة رغم بعد المسافة إلى أقرب مطعم نحونا، لأن الثلاثة
الأخرين بعدما يأكلون سيحرسون البوابتين حتى الصباح، فيما
سينام من سيحضر الطعام هذه الليلة وحتى لا نتشاجر مثل

الأطفال فزنا إجراء قرعة، وفاز هيثم بهذه المهمة، وذهب كل
من أحمد وإبراهيم لحراسة البوابة الأمامية الكبيرة، وذهبت أنا
لحراسة البوابة الخلفية، بيني وبين أحمد وإبراهيم ما لا يقل عن
٥٠٠ متر، بالإضافة إلى فيلا القصر الدائرية بيننا جعلتني منعزلاً
عنهما تماماً... كانت الساعة تقترب من العاشرة مساءً، وبدأت
أفئس جوعاً، رائحة الأرض هنا مميزة، تشعر أن تراب الحديقة
اللين هنا ممتزج بشيء غير الماء لا أستطيع تحديده! فتحت
البوابة الخلفية لأرى ما خلفها، وجدت أمامي مباشرة صحراء
واسعة خاوية يوجد في آخرها جبل فوقه صخرة على شكل بني
آدم، جعلتها النسومات الباردة والظلام وضوء القمر الخافت تبدو
كشبح لي، على ذكر الشبح تذكرت كلام سائق التاكسي وهل كان
يقول لنا هذا الكلام؛ ليثأر منا أم أنه قال الحقيقة، الرياح بدأت
تشد وجوعي أيضاً، فجأة دخلت إلى أنفي رائحة كفتة مشوية
التقت خلفي لعله هيثم عاد بالطعام...

لم يكن هناك أحد!

بدأ فأرّ حجمه في حجم إبراهيم صديقي يداعبني، أغلقت
البوابة ووجهت ضوء كشاف في إلى الأمام وناديت أتساءل:

- إنت جبت الأكل يا هيثم؟ ... لم يرد أحد!

- اسرق انا اسرق... انا اسرق .

- خلاص يا عم الحاج ما تزعلش بس إنت هنا ليه؟

- يا بني أنا كل يوم هنا!

- هو انت شاهين؟

- رد على سؤالي غاضباً:

- شاهين مين!! شاهين ده راجل بياخد فلوس على شغل
اللي زي الزفت... إنما أنا صاحب مطرح.

- ممكن تفهمني بالراحة يا حاج.

- مش هعرف أتكلم وأنا رافع راسي كده يا تجيبلي كرسي
يا تقعد جنبني .

جلست بجواره على الأرض:

- وادي قاعدة فهمني بقى.

- شوف أنا اسمي عمك داوود جيت مع فهمي باشا من
الصعيد، فهمي باشا اللي كان صاحب القصر ده، الله
يرحمه بقا كان شاريني بتمن غالي أوي...

- شاريك ههههههههه. هو إنت من أيام العيد والرقيد
ههههههههه!

- عديها عشان بتخرج أتكلم عن نفسي.

- حاضر... كمل.

- فهمي باشا كان من عيلة كبيرة؛ أبوه كان وزير أيام الملك،

وكان معاهم جنيهات وأطيان ياماً، وهو راح درس الفلسفة

في فرنسا، بس لما رجع كان عنده إحساس إن أي حاجة

يملكها مش بتاعته وهو ما تعيش فيها وعشان كده راح

اشترى حنة أرض بعيدة عن قصر أبوه وصمم قصره

الخاص، اللي هو إحنا فيه ده، بس برضه ده ما كماش

طموحه، وفضل عنده إحساس إنه ماعملش إنجاز في

حياته، ساعتها واحد -الأيام تسامحه بقا- شار عليه

بقوة الجن...

انتفضت لما سمعت الاسم.

- مالك خوفت كده ليه الكلام ده كان زمان، زمان أوي ما أنا

معاك أهة وما فيش حاجة.

- لا لا أنا ما بخافش من حاجة... كمل.

- فهمي باشا عرف منه إزاي يحضر القرين، بس ده ما كفاش طموحه برضه، وجاني في يوم وقال يا داوود أنا هجرب حاجة لو نجحت هتغير تاريخ العالم كله، ولو فشلت يبقى نالني شرف المحاولة، وعمايزك ساعتها تخلي بالك من الهانم الصغيرة والهانم الكبيرة، بس ما رضيش يقولي إيه اللي ناويه، وطلب مني إني أرافق مراته وبنته لحد العزبة في الصعيد؛ عشان يبقوا في أمان، وعزم ناس كتير من قرايبه وأصدقائه البشوات حتى الناس اللي بيشتغلوا عنده عزم منهم كتير، سبعين واحد شباب وبنات وناس كبار ومعاهم أطفالهم، ده غير المجموعة الاحتياطي وعمَلُهُمْ حفلة في القصر ده، أنا كنت حاسس إنه بيدبر ليهم مكيدة؛ عشان يجمع القوة السحرية من دمهم، بس ما كنتش فاهم الموضوع بالضبط وما كنتش اتجراً أساله، ولما رجعت عرفت المصيبة (السبعين واحد ومعاهم فهمي باشا مقتولين)، الحكومة ساعتها خَبَّتْ الموضوع وقالت إنها حريقة، وما راضيوش يسلموا الجثث لأهلهم؟

- ليه؟

- ليه! ...

- ليه إيه! مش بقولك ما كَانَشْ فيهم حتة واحدة كاملة، أكبر حتة فيهم كانت أصغر من صباعك الصغير.
- لا إنت ما قولتليش التفصيلة دي يا عم داوود!
- ما قولتلكش! معلش اعذرني يا بني السن بقى.
- قال لي هذه الجملة وهو يشعر بتأنيب الضمير.
- ولا يهملك يا عم داوود، كَمَلْ.

- لأن مكانش في حتة سليمة من أي جثة؛ الحكومة خَبَّتْ؛ عشان الناس ما تخافش من المجزرة دي، خصوصاً عشان كان في كلام إن الجن ليه علاقة باللي حصل، المهم بقى لأن فهمي باشا كان خيره عليا؛ نفذت وصيته بقيت أخلي بالي من مراته وبنته وبيته اللي في الصعيد، وكنت كمان كل مدة أسافر أشَقَّرْ على القصر ده، لحد ما قامت الثورة بتاعت الضباط الأحرار، وسافرت الهانم الكبيرة والهانم الصغيرة فرنسا، وأنا ما بقاليش من ساعتها غير القصر ده، لأنه في تحف ممكن تتسرق أنا خبيتها في أوضة سرية، بس برضو ممكن يلاقوها دول حرامية ولاد حرام، والأهم من ده الذكريات اللي بفتكرها هنا، أجمل خمس سنين من عمري كانت في القصر ده، ولما اتقدم بيا

السن وما بقتش حَمَل المشوار سكتت في البيت الصغير
اللي ورا سور القصر؛ عشان أبقى جنب القصر وأزوره كل
يوم، يمكن حتى تكون شوفت البيت ده وانت جاي.

هزرت رأسي تضامناً مع هذا الرجل العجوز الأصيل:

- أيوه شوفته من شوية.

- ومن كام سنة عرفت إن الهانم الكبيرة ماتت، ومن كام
يوم عرفت إن القصر في شركة أوروبية اشتترته من الهانم
الصغيرة، وهيهدوه ويعملوه برج، على قد ما زعلت، على
قد ما فرحت إن خلاص تميت رسالتي في الحياة.

أكملت له القصة:

- والشركة الفرنسية كلفت شركة الأمن اللي احنا بنشتغل
فيها إنها تحرسه، وكلفتنا بالمهمة دي.

- إنت بتبكي يا عم داوود؟

- أيوه يا بني خلاص دي آخر أيام ليّا في القصر...

اقتربت منه ربت على ظهره:

- فرفش كدة يا عم داوود يا ريت الناس كلها مُخلصين زيك.

- تسلم يا بني.

- إنت جيت إمبراح هنا؟

- أيوه... إشمعني؟

- ما تعرفش طقم الحراسة اللي قبلنا مشيوا ليه؟

- ما شوفتهمش بس هما أكيد خافوا، مهو في ناس كثير
فاكره إن القصر ده مسكون!

فكرت لثوان وأجبته وأنا أشير للفيلا:

- هو مش بعد المجزرة اللي حصلت دي ممكن يكون القصر

جوه مسكون بجد؟!

- هههههههه ما عفريت إلا بني آدم، وبعدين مش كل

العفاريت بتخوف مهو أنا قاعد معاك حسيت بحاجة؟

-! ظهرت علامات الرعب على وجهي... طمأنني

سريع:

- هههههههه إنت خوفت صح، ما تخافش أنا بضحك معاك

مش أكثر.

وصحابه، ويبدأ الحراس السود يَمُوتُوا في الناس، ويعدين
يَطْلَعُوهم الجنيّة ويفرموهم، وأول ما يبدأ الحرس يَقْتُلُوا في
المعازيم، الحرس اللي بره هيمشوا، وترجع كل حاجة طبيعية
وتقدروا تروحوا بيوتكم، أو تقعدوا زي ما انتو عابزين،
الموضوع مش هيزيد عن نص ساعة.

- هنمشي...هنمشي.

هذه كانت من إبراهيم، سألتها:

- يا حاجة هو انتي ما موتيش معاهم .

- لا أنا كنت من المعزومين الاحتياطين ؛ عشان لو حد ما
جاش، بس كلهم جُمّ وكلهم اتقتلوا واتفرموا.

- يا عني إنتي عايشة وما موتيش معاهم؟

- لأ ... تف من بقك ... أنا مت بعدهم.

!!!!.....

!!!!

-حد فيكم يمسك الشنطة دي عشان ثقيلة عليا، وما ينفعش

أنزلها على الأرض دي مستوردة.

حَمَلَتْ عنها الشنطة:

- ربنا يخليك يا ابني ويخليك أمهاتك.

- أمهاتي مين يا حاجة، أنا معنديش غير أم واحدة ويا رب
أرجعلها!

- يا ضنايا يا ابني ... إنت معندكش غير أم واحدة! مع أن
شكلك ابن ناس وطيب، صحيح يدي الحلق للي بلا ودان.

قالت هذه الجملة وهي تنظر لأذني فتحسست أذني اليسرى،
وبعدها اليمنى لربما تكون صادقة في كلامها!

رانت قاعة القصر مرة واحدة بصمت عميق، وخرج علينا
رجل أبيض له عيون زرقاء، شعره مصفف على الجنب، يرتدي
بالطو أسود، ووقف في منتصف القاعة وبدأ يتحدث:

- يُشرفني يا سادة إنكم تحضروا حفلي المتواضعة بالنسبة

لمقامكم المجيد، وعشان كده أنا عاملكم النهارده أكبر

مفاجأة في حياتكم مش هتسوها أبداً هنروح مع بعض

عالم الخلود، عالم المجد والقوة عالم الكولونيل (عذابات

بن كراوية)، ثم نظر إلينا وهو يكلم السيدة التي خلفنا:

- حاضر يا ست أم شنكول الصبر بس... اللي انتي عابزاه.

واستكمل كلامه للمعازيم:

- بس الليلة دي أنا مش هضحى بيكم زي كل مرة، احنا كلنا هنضحى بسكان القصر الجداد اللي واقفين عند الست أم شنكول، التقت إلينا المعازيم، بينما بدأ يظهر لكل منهم عين ثالثة في نصف جبهته، وقرنان صغيران فوق رأسه.

ووجدنا أم شنكول تكشر فينا وقد ظهر لها عين وسط جبهتها، وقرنان صغيران فوق رأسها هي الأخرى، هل تسمع عن سرعة الضوء؟! إذا لم تكن تعرفها فاعلم أنني جريت بها ومعى كلاً من إبراهيم وأحمد وهيثم، اندفعنا نحو البوابة الأمامية للقصر وخرجنا منها ونحن نصرخ، ولكننا وجدنا أمامنا الرجال السود، وكل منهم يُمسِك بسكين كبير، حاصرونا في الشارع وأجبرونا على الذهاب إلى اليسار، سمعنا صوت شخص آدمي يُنادي وهو يفتح باب بيته، الذي يتكون من طابق واحد والذي كنت قد رأيتُه عندما خرجت من البوابة الخلفية، وزعم داوود أنه يسكن فيه:

- تعالوا هنا ما تخافوش قبل ما تموتوا.

لم يكن أمامنا غيره، دخلنا البيت... كنا ننهج، طمئننا:

- أنا بني آدم طبيعي زي زيكم ما تخافوش واسمي فتوح استريحوا، خدوا نفسكم، أول الفجر ما بياذن كل دول بيخنفوا!

جلسنا عنده ونحن متوجسين أن يكون واحداً منهم قبل أن يسأله أحمد:

- هو صحيح اللي حصلنا ده؟!

- أيوه صحيح... من ساعة الحادثة بتاعت المفزعة دي ما حصلت وجة المخلوق ده اللي اسمه (عذابات) من العالم بتاعه بعد التضحية بتاعت السبعين دم، ولقى فهمي باشا مقتول، وهو سكن في القصر وأي حد بيدخل القصر بيعمل فيه كدة...

دخلت علينا فتاة صغيرة وهي تفرك في عينيها، بادرها فتوح والذي على ما يبدو أبوها:

- معلش يا حبيبتي إنتي صحيتي من الصوت، عموما كويس! عشان إنتي نمتي من غير ما تتعشي، سلمى على ضيوفنا، دي نورهان بنتي.

سلمت الفتاة علينا، سلمت عليها رغم أن يدي كانت مرتجفة وتتصبب عرقاً.

- خلي ماما تحضرلنا العشا وقوليلها عندنا أربع ضيوف.

- ملهوش لازمة التعب ده . قال له هيثم.

- إزاي تلاقىكم على لحم بطنكم من إمبراح، دي حاجة بسيطة انتو بخلاً ولأ إيه؟

- هو فهمي باشا مات إزاي؟ سأله أحمد.

- في ناس بتقول إن فهمي باشا لما شاف المجزرة اللي حصلت؛ ما استحملش المنظر، فندم على اللي عمله. ودخل بنفسه في المفرمة، وناس بتقول إن الحراس السود اللي فهمي باشا اشتراهم من بلد في إفريقيا؛ عشان العملية دي مخصوص هما اللي غدروا بيه، وعملوا كده وسرقوا الذهب اللي كان في القصر قبل ما يهربوا على بلدهم، بس القصة الأولى اللي متصدقة أكثر، ومن ساعتها (عذابات) سكن بجيشه هنا ...

سأله إبراهيم:

- طيب وانت إيه اللي مقعدك وسطهم؟!

- أروح فين يا أستاذ ده بيتي وبيت عيلتي، هما اللي يمشوا مش إحنا وبعدين هما في حالهم وإحنا في حالنا محفوظين منهم ومحفوظين مننا، هما ملهمش علاقة غير بالقصر، لو حد دخله حرامي أو زيون عايز يشتريه أو حارس زيكم يطفشوه، أو يحفلوا عليه زي ما عملوا معاكم كدة.

- يحفلوا علينا!

نطقها أحمد بتعجب، قبل أن يشرح له فتوح معناها:

- أصل برضو بيقولوا إن الكلونيل (عذابات) لما جة، وملقاش فهمي باشا لأنه كان انتحر أو اتقتل، حب يرجع لشغله وحياته، لكن أهله وعشيرته رفضوا؛ فحس بنوع من الإهانة واتصطدم وده اتسبب له في لطف في دماغه وبقى يمشي يكلم نفسه، وبقى يعمل مقالب في أي حد يدخل القصر، ويقعد يضحك زي العيال الصغيرين!

قطعت حديثنا سيدة تدخل علينا يبدو أنها زوجته:

- مساء الخير.

- مساء النور أهلا وسهلاً. رد إبراهيم عليها التحية فيما ابتسمنا نحن لها نحييها .

- خمس دقائق بالضبط والأكل يكون جاهز.

- والله ملوش لازمة التعب ده يا مدام... كانت هذه مني مجاملة، في الحقيقة أنا كنت ميت من الجوع.

- لأ إزاي، ما تقولوش كدة ده واجب، تلاقىكم ما كنتوش تعرفوا بالموضوع المهيب ده.

- آه اتصدمنا يا مدام ... دنا لسه مش قادر أصدق إن ده حقيقي، ومتهيألي إنني بحلم.

- معلش تجربة وحشة وعدت على خير المهم إنكم كويسين.
ثم وجهت الكلام لزوجها:

- تعالى يا فتوح شيل الصينية، دخل زوجها إلى المر المؤدي إلى المطبخ، وعاد بصينية كبيرة عليها إناء واحد معدني كبير، وحوله سبع أطباق فارغة، وضعها على طاولة خشبية ثم نادى علينا:

- تعالوا ... اتفضلوا.

جلس هو وابنته وزوجته، قبل أن ننضم لهم، مدت الزوجة يدها وأزاحت الغطاء عن الإناء قليلاً، وغرقت في طبق ابنتها طين لين رائحته دماء!

- كُلي طبقك كله يا حبيبتي!

- حاضر يا مامي.

تَسَمَّرْنَا نحن الأربعة أمام هذا المنظر، بينما قربت البنث الطبق من فمها وابتلعتة على مرة واحدة، قبل أن تغرف الأم مرة أخرى من الإناء وتضع لزوجها طين لين عليه شيء أسود يشبه حدقة العين:

- عارفك يا حبيبي تموت في عيون جولفدان هانم ... اتفضل.

ثم رفعت الغطاء بشكل كامل عن الإناء ونظرت لنا وهي تبتسم ابتسامة الساحرة الشريرة:

- انتوا ما بتكلوش ليه؟! أكلي مش عاجبكم؟! فيما ابتلع الرجل ما في طبقه على مرة واحدة هو الآخر.
- ممكن نمشي؟

كان هذا السؤال من أحمد وهو ينظر للرجل، أنا لم أعد أشعر بقدمي ولا بأي شيء في جسدي.

تكلمت الطفلة، ونظرات الخبث في عينيها والضعكة الصفراء على شفيتها:

- شكل أكلنا مش عاجبهم يا بابي!

- لأ إزاي يا حبيبتي هما عارفين إحنا بنحبهم إزاي، تلاقيم بس مكسوفين، يا أم نورهان إعزمي عليهم كويس.

لم أشعر بنفسي إلا وأنا أصرخ بأعلى صوت صدر مني في حياتي:

- انت طلعت منهم!!!!

استقبل الرجل صرختي المتوترة بقهقهة شديدة وانفجرت
أساريه فأكملت:

- طلعت منهم يا ويسخ يا ويسخ...

أدخلت الأم يدها في الإناء وأمسكت بالطين وكورته وأخذت
تقذفه علينا ثم فعلت الابنة مثلها، وقذفت كورة من هذا الطين
الدامي في أنفي، فصرخت من الألم.

- كل ده جميل دي فخاد جولفدان هانم فخري.

قالها الرجل لي وهو يستمر في قهقهته ويمسك ببطنه من
شدة الضحك وأنا مستمر في شتمه وأنا أصرخ:

- طلعت منهم يا واطي، يا أوطى عفاريت المجرّة... يا ويسخ

يا ويسخ.

يدٌ غليظة جذبتني بقوة من كتفي عرفت فيما بعد أنها يد
إبراهيم، كان يشدني لأخرج معهم من هذا المنزل.

خرجنا وكرات الطين الممزوج بالدماء تتطاير خلفنا، ركضنا
حتى وصلنا إلى الطريق الرئيسي، وتابعنا الركض حتى توقفنا من
التعب، لا يوجد أي أحد أو شيء حولنا غير الصحراء والزرعات
وضوء الفجر قد بدأ يظهر. قال أحمد وهو ينهج:

- يلا يا جماعة نكمل، ما تقفوش لازم نبعد عنهم لحد ما
نلاقي أي حاجة توصلنا. صاح إبراهيم:

- مش قادر أتحرك سنتيمتر واحد.

- إحنا شكلنا تُهنا... قالها هيثم وهو يحاول الربط بين
أنفاسه المتقطعة.

-

فجأة سمعنا صوت سيارة من خلفنا، ارتجفنا ونظرنا؛ فوجدنا
سائق التاكسي الذي قام بتوصيلنا إلى هذا القصر الملعون، أبطأ
سيارته وتوقف وأخرج رأسه من الشباك وبادرنا:

عرفتوا بقى إن الدنيا صغيرة ومسيركم تحتاجوني، هتركبوا
ولا هتقضوها جري؟

تحلقنا حول التاكسي واقتربنا من أبوابه، ولكن السائق صاح
إيدكم الأول على ١٢٠ جنية أجرة التوصيلة... آه أصلها غليت ولا
تعبوا أمشي؟

أخرج كل منا ما في جيبه وأعطيناه الفلوس التي طلبها وركبنا.

- أنت كنت عارف إن ده هيجصلنا؟ سألته أحمد.

قالها هيثم وهو في حالة انهيار.

- عارف ... عارف وعشان كدة مش هحجزكم في القسم، هناخد أقوالكم هنا وتروحوا ع النيابة على طول، وكدة يبقى أنا عملت معاكم الصبح، وساعدتكم وده أقصى حاجة ممكن أخدمكم فيها، وفي النيابة شوفولكم محامي شاطر يوقف معاكم، الحكاية مش بالساهل كدة يا أساتذة؛ دي جريمة وجناية سرقة، والقانون ما يعرفش زينب ولا يحمي المغفلين، تعالوا ورايا.

ذهب وجلس على المنضدة البلاستيكية وأشار لنا أن نجلس، كان السائق واقف بجوارنا والكلابشات في يده، وعلامات الضرب على وجهه، وهناك أمين شرطة جالس يمسك قلم وورق المحضر؛ ليسجل ما سنقول، أشار الضابط لأحد العساكر:

- هاتلي مشروبي، وهات كمان للشباب الحلوين دول، زمان ريقهم ناشف وأعصابهم تعبانة؛ من اللي عمَلْتَه معاهم العصابة بنت العفريت دية ههههه، هبدأ بيك يا تخين يا بو كرش جنان إنت، وأشار لإبراهيم:

- اسمك، وسنك، وعنوانك، وإيه علاقتك بقصر فهمي باشا؟

إبراهيم محمد عبد الرازق، ٢٢ سنة، ٨ شارع سعد زغلول، الجمالية ... علاقتي بدأت لما اتعينت في شركة الأمن...

جاء العسكري ووضع أمامنا خمسة أكواب عصير لونه أفتح من الفراولة وأغمق من الليمون، العطش جعلني أمسك الكوب وأقربه من فمي، ولكنني توقفت فجأة حين سال أحمد الضابط بقرف شديد والكوپ في يده:

- إيه ده يا فندم ١٩٩

رد الضابط عليه بأغرب رد سنسمعه في حياتنا، وهو يضعك:

- نسيت أعرّفكم بنفسي أنا الكولونيل (عذابات) يا شوية كاوركات، وده عصير سلسلة ضهر جولفدان هانم، سمعنا خلفنا صوت العساكر وهم يهتفون بصوت يكاد يمزق آذاننا:

- ونجحنا، ونجحنا، ونجحنا.

وفجأة أظلمت الدنيا من حولنا، لحظات، رغم أن النهار قد غطى الأفق، وحل الصمت قبل أن يعود النهار، لنجدهم جيباً قد بدلوا لبسهم الميري، والأسحلة التي كانت معهم بالبدل الأنيفة التي رأيناها في الحفلة يمسون ويشربون من أكواب زجاجية بها عصير (سلسلة ضهر جولفدان هانم) ويقهقهون بصوت عالٍ، ظل من عرفنا بنفسه أنه الكولونيل (عذابات) على كرسيه الذي تحول

حُزِين ... فِي الْقَرْيَةِ

أمر صعبة ومعقدة وغير مفهومة حدثت لي الفترة الماضية
... لذلك قررت أن أبدأ حياتي من جديد، أن أبتعد عن المدينة
وصخبها وكل من عرفته هناك، وأذهب إلى جديتي في القرية.
هناك سأستعيد نفسي وتتجلى موهبتي، كمن سبقوني في هذا
المجال أمثال زملاء تشارلز ديكنز وشكسبير ودوستويفسكي
، وسأبدأ في كتابة أول أفلامي.



بعد رحلة سفر شاقة وصلت هناك، كنت قد قررت أن أنام
يوم وصولي؛ بسبب تعب السفر ولكن نظراً لأن الجو هادئ، وعدم
ارتباطي بالمسئوليات؛ فقد نمت أول وثاني وثالث أسبوع لي هنا
لكن صباح هذا اليوم سيكون فارقاً في حياتي، حيث اصطحبت
قلمي وأوراقتي، وجلست أسفل عمود كهربائي، وقت الصباح الباكر
حيث لا أحد يمر من هنا غير نسيمات الهواء الفجرية المنشة
والمنشطة لخلايا العقل وبدأت أكتب:

سيناريو فيلم ((متر ديلفري))

حتى توقفوا عن الغناء فجأة وأظلمت الدنيا من جديد
للحظات، وعندما عاد النهار وجدناهم قد تحولوا إلى الهيئة
البشعة ذات العين الثالثة في نصف الجبهة، والقرنين الصغيرين
فوق الرأس، أما الكولونيل (عذابات) فكان له نفس الهيئة لكنه
أضخم من الآخرين، ووجدناه ينظر لنا وزَعَمَ بصوت عالٍ صَمَّ
آذاننا:

- إنتو لسه قاعدين؟ قومو وروا .

فقفزنا نجري وسط الصحراء ونحن نسمع ضحكاتهم، وهم
يرددون ومن ورائنا:

الكولونيل يا ... يعيش يا ... يعيش ... الكولونيل ... الكولونيل.



مشهد ١ كافيہ نهار/ خارجي

تُظهِر الكاميرا لنا كافيہ يطل على البحر مباشرة، في وقت الظهيرة يمتلئ بمجموعة من الطاومات المرصوصة على هيئة صفيين متقابلين في مساحة الكافية المستطيلة، على كل طاولة شاب وفتاة يبدو عليهم الاندماج في احاديث العشق وعدم الانشغال بما حولهم، المكان يبدو هادئاً إلا من أصوات أمواج البحر، تقترب الكاميرا من شاب وفتاة سنعرف لاحقاً أنهم أبطال قصتنا الشاب يميل ناحية...

- السلام عليكم يا وُلدي ممكن اقعد جارك؟

لم أكتب أنا هذه الجملة ولكني نظرت فوجدت رجلاً عجوزاً، أقرع، قصير يرتدي عباءة خضراء يمسك عصا خشبية يدها مكعبة يُحدثني، رددت عليه مبتسماً:

- وعليكم السلام ورحمة الله ... طبعاً، أهلا يا حاج اتفضل.

- إنت مين يا وُلدي؟

- أنا حُزين ابن الحاج رضوان.

- آه آه أبوك راجل طيب عارفه، هو كمان يُعرفني، قوله

بس الحاج عَرَفَة بَقَالَ البلد بيسلم عليك، طبعاً إنت مش

فاكرني؛ أصلك مشيت مع أبوك وانت لِسْتِه عَيْل صُنْبِير، بتروح المدرسة يا وُلدي؟

- لا يا حاج أنا خَلَصْت من بدري ويشغل كاتب دلوقتي. امممممم الأيام وحشة بتمر بسرعة يا ولدي ... انت بتشتغل إيه؟

- كاتب يا حاج.

- وبتروح المحكمة في مصر ... مصرام الدنيا ... بتلف فيها؟

- كاتب يا حاج ... كاتب ... مش حاجب.

- امممم وبتكتب إيه بقى؟

- بكتب فيلم دلوقتي.

- آه...

قالها وجلس صامتاً لدقائق، تأملت وجهه جيداً وجدت أن نصف وجهه الأيمن به أثر لحرق قديم، شعرت أن من الواجب أن أستمِر في الكلام معه، حتى لا يشعر إنه عطلني فسألته:

- وانت اخبارك إيه يا حاج؟

- أنا حزنان يا ولدي.

- سلامتك يا حاج مالك؟

- تعرف صلاح؟

- ابن عم رجب؟

- لا ده واد بنتي يا ولدي، مش واد رجب.

- لا ما فتكرهوش ... ماله مش كويس؟

- كان زيك كدة وطويل وخليوة وأمه عايزاه يروح مدرسة

الضباط ... هيبويه ... استغفر الله العظيم ... دُنيا يا ولدي.

- طيب ... وراح فين؟

- عند الدكتور شحات.

- بتاع النفسية والعصبية ؟

- آه يا ولدي.

- لا حول ولا قوة إلا بالله إيه اللي جراه؟

- بعد ما خلّص المدرسة راح اشترى ورق كثير وعشرين قلم

جاف ... وقال لأمه أنا بقيت كاتب.

- ويكتب أفلام ... شويين تلاتة ... مخه اتزحلق يا ولدي.

- إحم إحم، طب يا حاج بعد إذنك عندي ميعاد مهم
جداً بعد عشر دقائق، كنت ناسيه.

- الشارع اللي بعد الجاي، تحت الشجرة المقطوعة، ربع
ساعة مشي .

- إيه ده يا حاج ؟

- ده عنوان الدكتور شحات يا ولدي ... ما تسيبش نفسك
كدة!

لَمَلِمْتُ أوراقِي ورحلت دون أن أتكلم نصف كلمة أخرى مع
هذا الحاج، الله يخرب بيته يارب، عدت لمنزل جدتي، وجدتها
جالسة في غرفتها تقرأ القرآن، عندما رأتي قطعت قرائتها
وسألتي بصوتها الطيب:

- كنت فين يا حُزين بدري كدة؟

- روحت اكتب شوية، بس مع الأسف جاني راجل عجوز

قفلي يومي وقفلي السنة كلها كمان.

- مين دا؟

